

JOHANE

Johane mamac-ticne šânjene Zebedαιο â nenġoc-ticne Salome. Hahac-ticne šânjene Jakobo. Jaŋe Galilaia mâreŋko jumbiŋ. Hahac qazi mamac-jekic bafickepire Genesarete riqicko qowi rojumbien. Johane â Jakobo jahe Johane Miti Opâ fufuŋkezi fua tâcneme erao ra jupic. Eme eki juku motecfâcne Jesu jowatume jahe manarâ izia Jesurao rapic (Johane 1:37-40). I Judaia mâreŋko ekicne. Eme irecnec raku Galilaia mâreŋko fisirâ qowi gie mocwâc bahapire Jesu ijaha fisirâ hefârec-jofame jahe mamac-jekic â woke qowi beherâ Jesu bâjâpehuc jupic (Mareko 3:17). Johane â hahac-ticne jahe ŋic šocne fârone, irec dameŋ mocko Jesuzi Samaria ŋic jaŋerao sambâŋkonec šoc mume wahaocte âzâcnepic (Luka 9:54). Ōoaŋ mocko nenġoc-jekiczi Jesurao rarâ šiŋuc muhuc numucnewec: Juku Wofuŋ Sâko fua tâcnezokic dameŋ ira manatec ŋokâ jahec-nane gâjoŋgao ŋifec â ŋifec ŋezepirec (Mataio 20:20). Jesuzi motecfâcne Nafe Tiwâ gumec-jopawec ŋafe ira Johanezi Jesure maŋfuŋko ŋehuc qizec-ticne Jesure amecko fohorewec (Johane 13:25). Râsi jaŋe Jesu ropie motec gâcne hâbi gogoroŋ ejare-fâreme wiŋehapie Johane e mocjahazi Jesu bâjâperâ Hanasi ere sacmaŋko raŋiwec, erâ wâc Goligata ferâ Jesure maripoŋ maŋfuŋnao domawec. Domahame Jesuzi nenġoc-ticne Maria hone soŋaŋ ecneocte âzâcnewec (Johane 19:26). Jesu

faharewec biņene manarâ Johane e Petorohec gasackerâ šaņerunĳko rapic (Johane 20:34). Eme juku Jesuzi motec gâcne Genesarete riĳicko fua-jareme Johane eki hâcne biac šaņitawec (Johane 21:7).

Jesu e sambânĳko fehame Johane â Petoro jahe babafic erâ miti gie bahuc jupic. Ehuc šoaņ mocko ųicpuriņ moc taha ufuņ motâcko ųewec e bâpiaņkepic (Aposolo 3). Erâ wâc Samaria mâreņko mâmâc rarâ miti murâ numupire ųic ųokac jaņerao Mâro wahawec (Aposolo 8). Eme Johane eki hâcne Jerusalem haeo Jesure kikefuņ jumbiņ jaņere jâcne erâ juwec. Juku Jerusalem hae tuhutac fuame Johane e Efeso haeo rarâ juwec. Ehuc Paulo â Petoro jahe hâmopicte eki Asia mâreņ masunao hae sâc miti mamana jumbiņ jaņe mamac ejarewec.

Efeso haeo juhame miti ųic ųokac jaņe Johane numucnekupie Jesure binaņ qâreņkewec. Jesure motecfâc gâcne hâmo-fârehapie Johane e buc juhuc miti papia-ticne qâreņkewec. Qâreņkehuc Mataio â Mareko â Luka jaņere dâņ hâsine i papia-ticnao mi râewec. Aricne, i getâckehuc dâņ furune gâcne fowec i qâreņkewec. Jesuzi mâsi bawec irec binaņ ųic gâcnezi qâreņkembinte i behehuc, mitidâņ gâcne murawec i mana wosâerâ qâreņkewec. Á mâsi â eebapa-ticne gâcne ine moc moc sawa mufuahuc ira iticnerâ Jesure mickonec dâņ hukicne birine birine šuhuckewec. ųafeo roninte dameņne maick-eme Jesuzi motecfâcne mâzoc-jopahuc uņdâņ â miriņdâņ jazawec i â dâņ gâcne gâcne i Johanezi

qârenke-fârewec. Johanezi Jesure Biñebian qârenkeme hatane moc fuawec irec fuñe e jahac mufuakac, kecşinuc: “Qârenkekicne mac kecşi ine şinucte qârenkekicne: Nõje wose manac erâ Jesu e Kristo, Anuture Nõkâ, dâñ i mana şakienşepien, erâ e jahacne manasiñkehuc şâñe biñe-ticnere erâ juju sananhec enşepien” (Johane 20:31).

Papia mañnao dâñ neñgocne birine birine râe rakicne ine kecşinuc:

Gañ 1:1-18. Jesu e Anuture Micdânzi mârenko sañac biuhec fuawec. Dâñ izi papia-ticnere muşâwe dâñ ekac.

Gañ 1:19-51. Johane Miti Opâ fufuñkezi gie-ticne fuñkehuc Jesure fuñne mutaniñkewec. Á Jesu e fuñkerâ motecfâcne rocjopahuc fuñneticne jazawec.

Gañ 2-12. Jesu e gie-ticne bahuc â miti muhuc Wofuñ eri tatamac-ticnere fuñne bataniñkewec.

Gañ 13-17. Jesu e motecfâcne mâzoc-jopahuc sambân tatamac-ticnere fuñne mufua-jarehuc sambân hata jaza jowatuc ewec.

Gañ 18-19. Jesu şâic mamana â hâmoc-ticnere binañ.

Gañ 20-21 Jesu e hâmockonec faharerâ motecfâcne fua-jarewec irec binañ gâcne.

Jesu e Anuture Micdân

¹ Micdân e fuñnao fuñkerâ juwarehuc juwec. Erâ Micdân e juju-ticne Anuturafo foha juhuc juwec. Erâ Micdân e Anutu jaha wâc juwec.

² E hâcne fuñnao Anutuhec jurâ juwarewec.

³ Erâ Micdânj e Anuturre me wâc ehuc wiac sasawa bâfua-fârewec, â wiac fuawec i e tâmiric moc mi fuawec.

⁴ Erâ juju irec rune erâ juwec. Á juju-ticnezi njic tamae-jarewec.

⁵ Eme tatamaczi dapâcko tamaeme dapâczi gurinjeocte eipiewec.

Njic jaņe Jesu âgo sâcne mi ecnembiņ

⁶ Njic moc fuarâ juwec šâņene Johane.

⁷ Eki tatamacte biņedânj mufuame njic mâmâc sasawa jaņe tatamac rune manasiņkeniņte Anutuzi sorewec.

⁸ Johane e jahacne tatamac rune mi juwec, e mâc tatamac runere biņe muwec.

⁹ Tatamac rune njic mâreņj sâc batamaec-jopaekac, eki hâcne damenj ira mâreņko fuarâ juwec.

¹⁰ E mâreņko fufua i fuawec, erâ i sawa mâcne, mâreņj i ekizia wâc bâfuawec, eme waharâ fuame mâreņkonec njic jaņe e sifu mi šâņitambiņ.

¹¹ E jahacne me hofao fisihame gurufâc-ticne jaņe âgo mi ecnembiņ.

¹² Á âgo ecnembiņ jaņe ine Anuturre naru motecfâc eniņte hata bâfua-jarewec, i šâņe-ticne mana maņ eengopienj jaņe hâcne inuc ejareekac.

¹³ Jaņe soc biucte hatao mi fuambiņ, erâ njic mumupaņte wâc mâcne, jaņe Anuturaonec fuambiņ.

¹⁴ Eme Micdânj e saħac biuchec fuarâ ņonden-ņâņecko ņeņe juju ewec. Eme ņâņe Wofuņ qâreņ-ticne honepene Mamacte ņokâ jâmbânj mocjaha

ere Wofuᅇ qâreᅇ ewec hâcne. E aki anonoc kadahe â dâᅇ fâri qizecne bawahawec.

¹⁵ Fuᅇne-ticne ine Johanezi mutaniᅇkerâ haᅇne bahuc kecᅇiᅇuc muwec: “No ere hâcne ᅇazapo, ᅇâhec warekac e bâbâni juwec, eki no mi fuahape juwarehuc juwec hâcne.”

¹⁶ Nâᅇe sasawa ere rowaᅇkonec miti kadahe rorâ ro ehuc jumbeᅇ.

¹⁷ Mose e sâcmutâc dâᅇ nârewec, â Jesu Kristo eki ine aki anonoc â dâᅇ fâri qizecne tahac-nâpowec.

¹⁸ Anutu e ᅇic moczi moc mi honewec, Nokaᅇ jâmbâᅇ mocjaha, Mamacte bufuᅇko juekaczi ine biᅇe-ticne bawaharâ mufua-nârewec.

*Johane Miti Opâ fufuᅇke ere dâᅇ
(Mat 3: 1-12” Maò 1: 7-8” Luë 3: 15-17)*

¹⁹ Jerusalem haeonec Judaᅇic jaᅇe taha bapa â taha ufuᅇte kiᅇaᅇᅇic sorec-jopapie Johanerao rarâ, go mo ᅇic mo, muhuc wiocneᅇie fuᅇne-ticne jazawec.

²⁰ E fuᅇne-ticne mi hesoᅇkehuc mutaniᅇkerâ kecᅇiᅇuc jazawec: “No Kristo aricne.”

²¹ Mume jaᅇe harierâ wiocnembiᅇ, “Eme go mo, go Elia me?” Eme muwec, “No e aricne.” Eme mumbiᅇ, “Go porofete-nâᅇec me?” Mupie muwec, “Aricne.”

²² Eme jaᅇe mumbiᅇ: “Wiac go mo? Sorec-nâᅇopie warembeneᅇ, ra weniᅇuc jazanaᅇmu? Go gahacnere weniᅇuc muekic?”

²³ Eme jazarâ muwec: “Porofete Jesajazi mu qâreᅇ ewec, i norao sanaᅇkekac. No biᅇe mumu

ņic, mârēņ tuhuo juhuc kecšņuc muekopac: `Wofunțe hata bâșâweniņ!”

²⁴ Ņic Johanerao fisimbiņ i jaņe farisaio jaņere guruōnec.

²⁵ Irec mocwâc indiņkerâ mumbiņ: “Go Kristo aricne, â Elia aricne, â porofete aricne, eme wemocte ņic Miti Opâ rua-jareekic?”

²⁶ Mupie Johanezi šņuc jazawec: “Noni ņic opâ sawa rua-jareekopac, â ņonden-ņeņicko moc fuawec jukac, ņoņe e mi hone taraengopieņ,

²⁷ eki hâcne râpefuņ-naneo warehuc jukac, e sâko no iņucne maczi mafahe decnepe mi sâckeocmu.”

²⁸ Wiac i Betania haeo Jordanņ ocnijucnao fuawec. Ira hâcne Johanezi juhuc ņic Miti Opâ rua-jarewec.

Johanezi Jesure fuņne jazawec

²⁹ Hae fureme Jesuzi Johanerao rame taicko honerâ ņic šņuc jazawec: “Honeniņ, kecocni Anuture lama, eki mârēņ sâc ņic sâqocne-jenĭc fainao feme âsickekac.

³⁰ Ere hâcne kecšņuc ņazapo: `șâhec warekac, e bâbâni juwec, eki no mi fuahape juwarewec. Ž

³¹ No nahac mârâc e mi hone tarapo. Israe ņic ņoņe biņe-ticne ņazape mananiņte hâcne fisirâ Miti Opâ fuņkepo.”

³² Johane e iņuc murâ muwec: “No Mârōzi hapâ hawario sambâņkonec waharâ fai-ticnao herâ ņeme honepo.

³³ No nahac mârâc mi hone tarahape Miti Opâre munareweczi šņuc nazawec: `Mârō waharâ fai-

ticnao herâ ñeme honecmu eki ñic Tiri Mâro rua-jareocmu. Ž

³⁴ No i hâcne honepore fuñne-ticne kecšijuc mupo: `Eki hâcne Anuture Ñokâ. Ž ”

Nic tucne jañe Jesu bâfuambiñ

³⁵ Hae fureme Johane erâ motecfâcne jañeraonec jajahec mâreñ ijaha domambiñ.

³⁶ Domahapie Jesu e ijaha fotâcneme honerâ motec jasarâ muwec: “Honenic, Anuture lama kecocni.”

³⁷ Mume jahe dâñ i manarâ Jesure râpefuñko rapic.

³⁸ Rapire Jesuzi forisierâ honec-jofarâ muwec” “Ñohe wemocte warekopirec?” Eme jahe mupic: “Rabi (nâñâcne dâñko: Qaqazu), go fic wena jukomec?”

³⁹ Eme šijuc jasawec: “Ware honenic.” Mume jahe bâjâperâ fic honerâ šoañ gie bapa ira juweckoa jupic. I šoañ otewezo eha iñuc epic.

⁴⁰ Johanere dâñ manarâ Jesu bâjâpepic moc šâñene Anderea, Simoñ Petro qaticne.

⁴¹ Eme eki biac hahac-ticne Simoñ bâfuarâ šijuc âzâcnewec: “Nâhe Mesia (Kristo hâcne(c) bâfuakoperec.”

⁴² Iñuc murâ Jesurao jowame rapic. Eme Jesuzi honerâ muwec: “Go Simoñ, Johanere ñokâ, gore šâñe Kefa mukopac” (nâñâcne dâñko: Haroñañ).

⁴³ Hae fureme Jesu e Galilaia mâreñko raocte šawierâ Filipo bâfuarâ âzâcnewec, “Go bâjâpecnuc.”

⁴⁴ Filipo e Besaida haeonec, Anderea â Petro jahe hae irecteañ.

⁴⁵ Eme Filipozi Natanae bâfuarâ şîruc âzâcnewec: “Mose e sâcmutâc dâŋqâhâcko findaŋdâŋ-ticne qâreŋkewec, â porofete jaŋe wâc qâreŋkemiŋ, ŋic e hâcne bâfuaŋgopeneŋ, Jesu, Josefere ŋokâ, Nazarete haeonec.”

⁴⁶ Eme Natanaezi dâŋ şîruc bâtikiecnawec: “Nazarete haeonec wemo wiac bipinehec fuaocmu?” Mume Filipozi şîruc âzâcnewec: “Murâ ware honec.”

⁴⁷ Eme Natanaezi Jesurao ra fisime honerâ muwec, “Honenîŋ, ŋic kecizi Israe ŋic fârîne, maŋticnao sioc moc mi fokac.”

⁴⁸ İŋuc mume Natanaezi wiocnerâ muwec: “Go wena jupe honecnumeŋ?” Eme Jesuzi muwec, “Filipozi mi hefârecguhame nemuja fuŋko ŋetec honecgupac.”

⁴⁹ Mume Natanaezi şîruc âzâcnewec: “Qaqazu, go jâmbomac Anuture ŋokâ, Israe ŋic nâŋere ŋicwofuŋ.”

⁵⁰ Eme Jesuzi muwec: “Nemuja fuŋko ŋemec i mufua-garepe manasiŋnukomec, manakic, hone manac ekomec şî susucne sawa, fâri ombâŋne miŋecnea hone manac erahuc jucmu.”

⁵¹ İŋuc murâ muwec, “No jâmbomac jâmbâŋ ŋazape: Ŋoŋe sambâŋ aŋkeme Anuture aŋelofâc jaŋe Ŋic Fâri Wâtuŋne erao fec wahac epie honec-jopaniŋmu.”

2

Jesuzi mume opâzi waiŋ ewec

¹ Gie bapa jajahec tarama Kana haeo Galilaia mârenko ñic ñokac jajahec muturec-jofaniñte irec tiwâ bâzi qapie fisiwec.

² Ehuc Jesu nenḡoc-ticne erâ e jahacne â motecfâc-ticne mâmâc hefârec-jopapie fisimbiñ.

³ Eme tumañnerâ bâzihec waiñ nâpie šickeme Jesu nenḡoc-ticnezi e âzâcnerâ muwec: “Waiñ-jenji omaekac.”

⁴ Mume Jesuzi šiñuc âzâcnewec: “Ñokac, i nâhâcne wiac me? Damerñ-nane miñecnea maick-eocmu.”

⁵ Eme nenḡoc-ticnezi kiñañ qaqa šiñuc jazawec: “Wiac mocte ñazame enšepien.”

⁶ Eme fic ira opâ pake 6 ñewec. Judaniñ jañe me sahañ-jenji gâbâ šure jumbienñe fic sâc opâ pake iñuc ñerawec. Pake i piticne mâcne, kâcñene sâko.

⁷ Eme Jesuzi kiñañ qaqa šiñuc jazawec: “Ñoñe opâ fiarâ pakeo qapie huoc.” Eme jañe iñuc erâ opâ qapie hurâ pake micnao qafârewec.

⁸ Iñuc epie šiñuc jazawec: “Ñoñe tucne fiarâ nânâ soñañtao baraniñ.”

⁹ Eme jañe fiarâ barahapie opâzi waiñ eme nânâ soñañzi nâhonerâ kâuc bawec. Kiñañ motec opâ fiarâ pakeo qapie huwec jañe sawazi waiñte fuñne mana tarambiñ. Eme nânâ soñañzi ñic ñokac bawec, e hefârerâ

¹⁰ šiñuc âzâcnewec: “Qanañ waiñ añacne gumec-jopapene nâkupie manjenji bibiriwazo eme šâhec waiñ oomane gumec-jopaenḡopenenñ, hata-nâñec iñuc fokac. Go ine qac qâtikic ehuc añacne hefacketec ñeku šâhec fuakac.”

¹¹ Jesu e Kana haeo Galilaia mârenko ira hâcne

mâsi bapa gie-ticne funkehuc Wofuŋ qâreŋ-ticnere foŋ bararuŋkewec. Eme motecfâcne jaŋe honerâ e manasiŋkembij.

Jesu e taha ufuŋ furu muwec

(Mat 21: 12-13”Maò 11: 15-18”Luë 19: 45-46)

¹² Eme Jesu e Kana haeonec Kafanaum haeo rame neŋgoc qafâc-ticne â motecfâc-ticne mâmâc bâjâperâ rafârembij. Eme ira boc mi jumbij.

¹³ Judaniç aakic hombaŋ-jeniç bembenjekewecte Jesuzi Jerusalem haeo rafewec.

¹⁴ Eme taha ufuŋ ŝuhucnao lama bulimakao â hapâ wiac badomahuc nareŋ gareŋ embij, ehuc irec moneŋ teboo wose biric embij.

¹⁵ Inuç epie Jesuzi honec-joparâ repa mizeme ŝika eme ñic mecne lama bulimakao mecne jâpec-jopame wisepie moneŋ tie-jarerâ irec tebo herândiŋkewec.

¹⁶ Erâ hapâ badomambij jaŋe ŝiŋuc jazawec: “Ñoŋe Mamac-nanere ficko wiac kosa mi epie situâc fic ezejec.”

¹⁷ Jesu e inuç eme motecfâcne jaŋe miti papiao dânqâreŋ kecŝiŋuc fokac irec manasumbij: “Gore ficte erâ bunane ŝoc ŝarâ ŝâfitacnukac.”

¹⁸ Eme Judaniç jaŋe wiocnerâ mumbij: “Go inuç ekomeczi wemo mâsi moc bahuc fuŋnege bataniŋke-nârecmu?”

¹⁹ Eme micjenjicko rorâ ŝiŋuc jazawec: “Ñoŋe taha ufuŋ kecŝi heropiepie noni ŝoan jahec â moc eha mocwâc bâzickepemu.”

²⁰ Inuç muhuc jazame mumbij, “Kâcçenefâc-nâŋec jaŋe taha ufuŋ ŝi jara 46 baku bâzickembij,

eme goki šoaŋ jahec â moc sawa ira bâzickezo mukomec me?”

²¹ Jesu eki ine sahaç-ticnere ufuŋko qetickehuc muwec.

²² Juku hâmockonec qârerâ fahareme motecfâcne jaŋe dâŋ i manasumbiŋ. Ehuc ufuŋte muwec, â miti papiao ere dâŋ gâcne mukicne, irec mâmâc manapie fârine eha mana šakiemiŋ.

²³ Jesu e aakic hombaŋko Jerusalem haeo juhuc fuŋne qaqa mâsi bame ŋic bocjahazi honerâ šâŋeticne mana sakac embiŋ.

²⁴ Jesu e jahac ine ŋic hone tarac-jopa-fârewecte jaŋerao mi fohorewec.

²⁵ E ŋic mocte fuŋne manaocte gâcne mu indin mi ejarewec, e jahaczia ŋic manjenic hone šânjitac ejare-fârewec.

3

Nikodemo ere binaŋ

¹ Farisaio ŋic jaŋere âgo moc juwec šâŋene Nikodemo. E Judaŋic jaŋere micne sâko wâc juwec.

² Ŋic eki hâcne Jesu ŋafeo iqickerâ šiŋuc âzâcnewec: “Qaqazu, nâŋe fuŋnege manaenġopenenġ, go qaqazu fârinezi Anuturaonec wahameŋ, go mâsi baekic i ŋic moczi Anutu tâmiric juhuc bapane mi ekac.”

³ Mume Jesuzi šiŋuc âzâcnewec: “No jâmbomac jâmbâŋ gazape: Moc e harierâ fufua qâricne mi fuaocmuzi Anuture uucmaŋ sâcne mi bâfuaocmu.”

⁴ Eme Nikodemozi muwec, “Hâc, moc e kâcçenkekiecnezi fufua qâricne weniŋuc fuaocmu,

wemocko nenȝoc bumaŋko mocwâc hume hâsine roocmu?”

⁵ Mume Jesuzi šiŋuc âzâcnewec: “No jâmbomac jâmbâŋ gazape: Moc e Opâ â Mârore kiwecko qâricne mi fuakicnezi Anuture uucmaŋko sâcne mi rašiocmu.

⁶ Nïckawecko fuakicnezi ŋic hawari jaha, Mârore kiwecko fuakicnezi Mârore hawari jaha.

⁷ Nŋe fufua qâricne fuanĩte mupe go manatec mi qunkeoc.

⁸ Mânâŋ e kosa qaekac, eme go fânâŋ-ticne i manaekic, â fuŋne wenirec fuŋkerâ wareekac, â wena ratareakac, ine mi manaekic. Eme moc e Mârore kiwecko fuakicne, e fuŋne-ticne inucnea fokac.”

⁹ Mume Nikodemozi dâŋ šiŋuc bâtikiecnawec: “I wenĩuc erâ inuc ezo?”

¹⁰ Mume Jesuzi šiŋuc âzâcnewec: “Go Israe ŋic jaŋere qaqazuzi irec kâuc bakomec me?”

¹¹ No jâmbomac jâmbâŋ gazape: Nâŋe wiac hone manac eenȝopenenȝ ijaha ŋaza mutâc eenȝopenenȝ, eme ŋeŋe ine dâŋnâŋec qikiŋneenȝopenȝ.

¹² Wiac mârenȝko fufuane irec mac ŋazape sifu mi mana šakieenȝopenȝ, eme wiac sambânȝko fufuane irec ŋazape wemo-ŋenȝiczi mana šakienĩmu?

¹³ Nïc moczi sambânȝko moc mi fewec, Nïc Fâri Wâtunȝe, sambânȝkonec wahawec, e mocjahazi sambânȝko wâc juekac.

¹⁴ “Mose e mârâc jaha mârenȝ sawao homa bâfeŋnewec, inuc jaha Nïc Fâri Wâtunȝe e bâfeŋnezo mukicne.

15 Eme e manasiŋkeniŋmu jaŋe juju sanan bâfuaniŋmu.

16 Anutu e ŋic ŋoŋere mo inucne ecnewecte Nokâ jâmbân-ticne mocjaha e râe qikiŋ ecnewec. Eme e manasiŋkeniŋmu jaŋe moc mi sipirickehuc ju ju sanan bâfuaniŋmu.

17 Nokâ e ŋic jaŋere kiŋ bataraocte mâcne, ŋic bâpiaŋ-jopaocte Anutuzi soreme wahawec.

18 Moc e Nokâ manasiŋkekaczi okacnere biŋe mi ekac. Á moc e Nokâ mi manasiŋkekaczi ine biac okacnere biŋe ekac. Wemocte? E Anuture ŋokâ jâmbân mocjaha ere šaŋe mana maŋ mi ekac irec.

19 Okacnere fuŋne šiŋuc fokac: Tatamaczi ŋic maic-jopame jaŋe tatamac bâsuerâ dapâcte wosâembiŋ, juju bapa-jeŋic sâqocnere inuc hâcne embiŋ.

20 Moc e sindaŋ eocmuzi tatamac râpeckeocmu, juju bapa-ticnere fuŋne jaŋgeŋkezacte wemocko tatamacko fua taniŋ eocmu.

21 Moc e dâŋ fâri qizecne reŋkeocmuzi ine tatamac maickeocmu, eme eebapa-ticne Anuture micdâŋte sâcko ekicne irec fuŋne taniŋkeocmu.”

Johanezi Jesure fuŋne mutaniŋkewec

22 Eme juku Jesu e motecfâcne rocjopame Jerusalem hae beherâ Judaia qaŋeŋŋaopec ra jumbiŋ. Ira jaŋehec juhuc ŋic opâ rua-jarewec.

23 Johane e mâreŋ moc šaŋene Ainoŋ, Salim haeopec juhuc inuc jaha Miti Opâ gie bawec, ira opâ bocjaha fowecte ŋic jaŋe fisipie rua-jarewec.

24 Johane e damaŋ ira kâpâcwâru ficko mi ŋekicne.

25 Eme Judanjic moczi Johane motecfâc-ticne jajehec opâ ruruare mu qaqatarac embiņ.

26 Eme motec jaje Johanerao rarâ šiņuc âzâcnembiņ: “Qaqazu, go Jordanj ocniņucnao juhaņtecne ņic moc bâfuacgume fuņne-ticne mujaņgeņkerâ nâzâmeņ, eki dameņ šiņuczia ņic opâ rua-jareme erao rafâreņgopieņ.”

27 Mupie Johanezi šiņuc jazawec: “ņic moc e sambâņ runezi wiac râcne tahac mi ehame e jahac wemocko kâņgâc roocmu.

28 No kecšiņuc muhuc ņazapo i wemocko mickeniņmu, `No Kristo aricne, no biņe mumu-ticne sawa. Ž

29 ņokac biņe mucnekicne eki hâcne ņokac rune. Eme ņokac bahuc šeri kâcqene šeri eme âgo-ticnezi manarâ bafickehuc bubiaņ sâko bâfuacocmu wâc. Bubiaņ i hâcne manapemurâ dameņne maickekac ši.

30 Eki fua fehame noni pitiwazepac.

31 Faicnec wahaweczi qâhuc-nâpo-fârekac. Moc e mâreņkonec fuakicnezi mâreņte biņe ekac â mâreņkopec dâņ muekac. Á sambâņkonec wahaweczi ine qâhuc-nâpo-fârekac.

32 Eki wiac hone manac ewec irec dâņ biņe muekac. Mume ine ņic jaje dâņticne qikiņneņgopieņ.

33 Á dâņticne mana maņ ekac e Anutu mume sasanaj jukac dâņ i dopeckekac.

34 Anutuzi ņic sorewec eki Anuture dâņ jaha muekac. ņic iņucne e Anutuzi Mâro sâc tâmiric qikiņnecneekac.

35 Mamac e ņokâ hone ririņkehuc ere meo wiac

sasawa r e-f rewec.

³⁶ Moc e  ok  manasinkeocmu e juju sanan  inuczia fuacnekac,   moc e  ok re d n  asuehuc juocmuzi juju sanan mi  afuaocmu. Inucnere faio Anuture kimben  eweczi focmu.”

4

Jesu e Samaria m renkonec  okac moc d n  z cnewec

¹ Farisaio jan   Jesure  inuc manambi: “Eki motec rocjopar  op  rua-jareekac, i Johanere guruf c jowarun opien.”

² D n i m c mumbin, Jesu e jahac  ic op  mi rua-jarewec, motec jan   mume rua-jarembin.

³ Eme Wofunzi d n inucne manar  Judaia m ren beher  Galilaia m renko risie rawec.

⁴ Rahuc Samaria m ren fot cnewec.

⁵ Fot cnehuc Samariare hae moc   ene Sika ira fisiwec. Hae i Jakobozu  ok -ticne Josefe m ren qiki necnewec irec mend nko  ewec.

⁶ Eme ijaha Jakobore op  nomb n  owec w c. Eme Jesu e ira  unpiticko fisir  betan er  nomb nmecko waha  emanawec.

⁷  ehame Samaria  okac moczi op  fiaocte fisiwec. Fisime Jesuzi  inuc  z cnewec: “Go op  moc gumecnuc.”

⁸ Motecf cne jan   n n  furine bani te haeo fehapie Jesu buc  ehuc  okac op re  z cnewec.

⁹  z cneme  okac e muwec, “Go Judan czi weninuc er  Samaria  okac norao op re mukic?” Judan c   Samaria  ic jan   b t cko jujumbien te  okac e inuc muwec.

¹⁰ Eme Jesuzi šinuc âzâcnewec: “Go Anutu jaun-ticnere fuņne â opâre gazakopac nore fuņne mâmâc kâuc bakic. Mana tararâ muzac numu-naretec opâ fifisine gazezapo.”

¹¹ Mume ŋokaczi šinuc âzâcnewec: “Bombon, opâ nombân i šoricne, erâ go opâ fifiage aricnere opâ fifisine wenirec fiacmu?”

¹² Mimiņne-nâņec Jakobo e opâ nombân ši rowec. Erâ e jahacne â ŋokâfâcne â lama buli-makaofâc-ticne jaņe opâ ši jaha nâhuc jumbin. Goki Jakobore sâc i jâuruhuc opâ moc bâfuacmu?”

¹³ Inuc mume Jesuzi šinuc âzâcnewec: “Opâ ši gapecne tâmiric, irec i hati nârâ nâ ehuc juzo,

¹⁴ â nore opâ ine gapecnehec, moc e i nâocmu, e opâre mocwâc mi hâ mohuc mâc jurašihuc juocmu. Noni opâ i ŋic moc râcnepe maņticnao opâ šâņe bâfuacneme juju sananțe šâkânko rahuc domaocmu.”

¹⁵ Mume ŋokaczi šinuc muwec: “Bombon, go opâ i naretec nârâ opâre mocwâc mi hâmozepac, ehuc šira gâbâ ware fiahuc domaekopac i behezepac.”

¹⁶ Inuc mume Jesuzi šinuc âzâcnewec: “Ra ŋowege jowatec warenic.”

¹⁷ Eme ŋokaczi muwec, “No ŋowe-nane aricne.” Mume Jesuzi muwec, “Go ŋowege aricne, i sâcne mukomec”

¹⁸ go ŋic memoc ba behec ejaremeņ, â šinuczia bakomec e gore ŋowe aricne, irec go dân jâmbomac mukomec.”

¹⁹ Mume ŋokaczi šinuc âzâcnewec: “ŋicbombon-nane, no miņecne manakopac, go porofete.

²⁰ Irec mutec manape: Kâcçenefâc-nâñec jañe tiki kecšira Anutu mai ecne jumbien, â Judanïc ñoñe ine Jerusalem haeoa Anutu mai ecnezo, inuç muengopien.”

²¹ Eme Jesuzi šinuç muwec: “Ñokac, no gazape manac: Damenñ moc bembenkekac, i maickeme ñoñe Mamac mai ecneninmu i tiki kecšira mâcne â Jerusalem haeo wâc mi eninmu.

²² Ñoñe kâuc bahuc mai ecneengopien, nâñe ine mana tarahuc mai ecneengopeneñ. Bâbâpianñ i Judanïc nâñeraonec.

²³ Damenñ moc maickeocmu erâ ši biac maickekac hâcne, ira kikefunfâc-ticne fârine jañe manzi â dân fâri qizecnere sâcko Mamac mai ecneninmu. Mamac e ñic inuçne jañere ecneekac.

²⁴ Anutu e Mâro funğâtâne, irec e mai ecneengopien ñoñe Mâro â dân fâri qizec jahere ñesiñko mai ecnenšepien.”

²⁵ Mume ñokaczi šinuç âzâcnewec: “No manakopac, Mesia fuaocte mukicne, šâñene moc Kristo, eki fuarâ wiac sasawa mu bataniñ enâreocmu.”

²⁶ Eme Jesuzi âzâcnewec: “Dân gazakopac, no hâcne ši.”

²⁷ Inuç muhame motecfâcne fisimbiñ. Fisirâ ñokachec muc manac ewec irec wareckembiñ. Erâ wemo wiacte dân âzâcnekomec, me weniñucte âzâcnekomec, inuç muhuc wiocneninñte manapie quñkeme behembiñ.

²⁸ Eme ñokac e opâ râqâc-ticne beherâ haeo gasacke rarâ ñic šinuç jazawec:

²⁹ “Ñoñe warerâ ñic moc honeninñ, eki epo bapo irec dân mutaniñke-nare-fârekac. E Kristo wiac

moc?”

³⁰ Eme haeonec waharâ Jesurao fisi-fârembiņ.

³¹ Eme motec jaņe šiņuc âzâcnembiņ: “Qaqazu, nânâ nâc.”

³² Mupie jazawec, “Nânâ fuņmoc fonarekac, i ņoņe mi manañgopieņ.”

³³ Iņuc mume motec jaņackoaņ nazaņ gazaņ erâ mumbiņ: “Moczi moc nânâ bafisirâ râcnembien me?”

³⁴ Mupie muwec, “Sorecnuwec ere mic reņkehuc gie-ticne baku babatara izi nânâ-nane ekac.

³⁵ Ņaņac šiņuc muēņgopieņ: `Mosa 4 tarame nânâ fârine fuaocmu. Ž Á noni ine ņazape mananiņ: Ņoņe qâhâņnerâ šâņe fihuc gie honeniņ, nânâ fârine fufua dameņ šine hâcne maickekac.

³⁶ Ro qânusuc gie baocmuzi furine roocmu, â fârinezi ju ju sanaņte biņe eocmu. Eme he sarac ewec â fârine rome fewec jahe mâmâc babafic erâ šeri enicmu.

³⁷ Ehame dâņ kecši sanaņkeocmu: `Moczi he sarac eekac, â moczi fârine rome feekac. Ž

³⁸ Noni ņoņe he sarac mi embiņko fârine ropie feocte sorec-ņopakopac. Gie i gâcnezi bapie fuawec eme ņoņe mâc rauckeņgopieņ.”

³⁹ Eme Samaria ņokac e haefâc-ticne šiņuc jaza-wec: “Wiac epo bapo i mutaniņke-nare-fârejec.” Eme dâņ irec bocjahazi Jesu manasiņkembieņ.

⁴⁰ Irece Jesurao fisirâ jaņehēc juocte hefârembiņ. Eme Jesuzi mana-jarerâ šoaņ gie bapa jajahec jaņere hao juwec.

⁴¹ Eme miti jazame bocjaha jâmbâņzi mana šakiembiņ.

⁴² Ehuc ñokac šinuc âzâcnembiñ: “Qanañ gore dân binañte erâ manasiñkembeneñ, ši ine nâñe nâñâc micticnaonec dân manarâ šinuc mana-pankenjopeneñ: Eki jâmbomac mâreñ sâc ñic nâñâcne Bâbâpiañ.”

Jesuzi motec moc hucticne bâniniñkewec

⁴³ Eme Jesu e jañehec gie bapa jajahec jurâ Galilaia mâreñko rawec.

⁴⁴ Jesu e jahac qanañ šinuc mufuawec: “Porofete moc e jahacne hae mâreñko jume sâcne mi sâseniñmu.”

⁴⁵ Eme Galilaia mâreñko rafisime Galilaia ñic jañe âgo ecnembiñ. Ine jañe juwicnao mâmâc Jerusalem haeo rarâ aakic hombañko gie bame honembiñte inuc ecnembiñ.

⁴⁶ Eme Kana haeo Galilaia mâreñko mârâc mume opâzi waiñ ewec ira hâcne mocwâc risiewec. Eme Kafanaum haeo kia moc juwec, e ñokâ-ticne hucsâko bame fowec.

⁴⁷ Eme Jesu e Judaia mâreñkonec risierâ Galilaia mâreñko mocwâc ware fisikac, inuc mupie manarâ kia e Kana haeo Jesurao rarâ ñokâ-ticne hâmozo ehuc fowec irec jowame rante numucnewec.

⁴⁸ Eme Jesuzi šinuc âzâcnewec: “Ñoñe mâsi â wiac šâñe furu-ñeñic sawa honerâ dânñane mana šakieñgopiñ.”

⁴⁹ Eme ñiczi muwec: “Wofuñ, ñokâ-nane hâmozacte biac fâzemec.”

⁵⁰ Mume Jesuzi šinuc âzâcnewec: “Go mâc rac, ñokâge qiqic qakac.” Eme ñic e Jesure dân mana šakieñuc risie rawec.

⁵¹ Ehame motec jaņe kiņaņ warerâ šiņuc âzâcnembiņ: “Ņokâge qiġic qajec jukac.”

⁵² Mupie qiġic qawec dameņ irec mu indin ejareme mumbiņ: “Jacne ŝoaņ ŝâŝâņiņ űehame ira hucticne âke niniņkejec.”

⁵³ Inuc mupie űiczi fuņne kecšiņuc manawec: Dameņ ira hâcne Wofuņzi sorecnuhuc mujec, “Ņokâge qiġic qakac.” Eme e jahacne â garikiņfâc-ticne Jesu manasiņke-fârembiņ.

⁵⁴ Jesu e Judaia mâreņkonec Galilaia mâreņko risierâ fuņne qaqa mâsi i bame jajahec ewec.

5

Jesu e Betesida riġicko űic moc qiġicne bawec

¹ Juku Judaniġ jaņere hombaņ sâko moc maickeme Jesu e Jerusalem haeo rafewec.

² Eme Jerusalem haeo Lama Motâcko riġic moc űewec ŝâņene Betesida Ere mecnao fic memoc űerawec.

³ Fic ira űic huchec â tiņtuņ â ŝeke puriņ â soc kekerenıhec bocjaha fombiņ, [ehuc opâ qiriņ qaocce woņeckembiņ”

⁴ Wofuņte aņelo moczi dameņ ocņonden sâc riġicko waharâ opâ qâuawec” qâuahame moczi bâbâni opâo huwec e huc ecnewec i niniņkecneme qiġic qawec.Ý

⁵ Eme moc fowec e puriņ ecnehuc juhame jara 38 ewec.

⁶ Eme Jesuzi űic e honerâ dameņ ŝora fohuc jukac, inuc manarâ wiocnerâ muwec: “Go qiġic qacmurâ egarekac me?”

⁷ Eme purinzi muwec, “Bombon, mo njic mo junarekaczi opâ qirin qaha riqicko râecnuzac? Á no nahac huzo mupe ine moczi biac âkehocnurâ huekac.”

⁸ Mume Jesuzi šinuc âzâcnawec: “Go faharerâ fofoge rorâ rac.”

⁹ Mume izia sahad-ticne biankeme faharerâ fofot-cicne ameckerâ rawec. 3oaŋ ira ine sabata hombaŋ ŋembiŋ.

¹⁰ Irec Judanji jaŋe njic qiqic qawec e šinuc âzâcnembiŋ: “Miŋecgac hombaŋko fofoge hâpokomec i mi eene.”

¹¹ Mupie šinuc jazawec: “Bâpiaŋnukaczi šinuc naza sorec ekac: `Fofoge rorâ rac. Ž ”

¹² Mume wiocnerâ mumbiŋ, “Fofoge rorâ rac gazajec njic e šaŋene mo?”

¹³ Mupie njic biankeweczi kâuc bawec. Jesu e njicguru ira domambiŋ jaŋere ŋondenko kamierâ rawec.

¹⁴ Izi šâhec Jesuzi njic e taha ufuŋko bâfuarâ uŋ šinuc âzâcnawec: “Go sahadge biankejec, eme wiac ŋemâc bâmâcne jâmbâŋ fua-garezacte sâqocne mocwâc mi bazemec.”

¹⁵ Eme njic e Jesu hone tararâ ra Judanji šinuc jazawec: “Nji bâpiaŋnukac šaŋene Jesu.”

¹⁶ Jesu e sabata hombaŋko gie inucne bawecte Judanji jaŋe râsi ecnembiŋ.

¹⁷ Epie Jesuzi šinuc jazawec: “Mamac-nane e gie šušuhuc jaha baekac, eme noni inuc jaha wâc eekopac.”

¹⁸ Eme Jesu e sabata hombaŋ hesifuckewec â Anuture Mamac-nane muhuc Anuture sâcko

šhuckewec, Judanić jaŋe wiac jajahec irec erâ mana gâpârerâ qaniŋte mumbiŋ.

Jesu e bâqârec-nâporâ okacnere dâŋ mutara-nâreocmu

¹⁹ Eme Jesuzi dâŋ šiŋuc jazawec: “No jâmbomac jâmbâŋ ŋazape mananiŋ, Ŋokâzi maŋticnere sâcne gie mi baekac, Mamaczi bame sâc honehuc baekac. Eki baekac ijaha Ŋokâzi baekac.

²⁰ Mamac e Ŋokâ honebâckeekacte gie baekac sâc jâutu-fâreekac, erâ gie ši honenġopienj sawa mâcne, fekicne sâko jâutume ŋoŋe honerâ wareckeninġmu.

²¹ Mamac e hâmokicne wiwic-joparâ bâqârec-jopaekac, inġuc jaha Ŋokâzi e me e bâqârezo murâ bâqâreocmu.

²² Erâ Mamac e ŋic okacnere dâŋ mi mutarajareekac, gie i Ŋokâre meo râewec.

²³ Eme ŋic jaŋe Mamac sâseenġopienj inġuc jaha Ŋokâ sâsenšepienj. Moc e Ŋokâ mi sâseocmuzi, Ŋokâ sorewec, Mamac hâcne, e inġuc jaha mi sâseocmu.

²⁴ No jâmbomac jâmbâŋ ŋazape mananiŋ: Moczi nore dâŋ mana maŋ ehuc, sorecnuwec e manasiŋkeocmu, ŋic e šiŋuczia juju sananġhec ekac. E okacnere biŋe mi ee hâmoc râpeckerâ jujuo rašiwec jukac hâcne.

²⁵ No jâmbomac jâmbâŋ ŋazape mananiŋ: Dameŋ moc maickeocmu, erâ ši biac maickekac hâcne, ira hâmokicnezi Anutu Ŋokâ-ticne ere dâŋ manarâ qârerâ juniŋmu.

²⁶ Mamac e jujure fuŋqizecne, eme Ŋokâ e inġuc jaha jujure fuŋqizecne eocte qikiŋnecnewec

²⁷ Erâ e Nîc Fâri Wâtunje jukacte ñic, okacnere dâñ mutara-jareocte mucnewec.

²⁸ Dâñ irec manapie mi quñkezejec. Damen moc bakicne fokac i maickeme šâneruñko foñgopieñ jañe ere dâñ wiwira manarâ wefunšongopieñ.

²⁹ Ehuc juju bianje jumbiñzi juju sanante faharenšongopieñ, â juju sâqocne jumbiñzi kiñte okacne roninte faharenšongopieñ.

³⁰ No nahacne mañte gie i bapane mi fokac, Mamac-nanere micsâcko sawa okacnere dâñ mutara-jareekopac. Inuc ehuc okacnere gie bape sâckoa eocmu. I no nahacne dâñ mâcne, sorecnuwec ere dâñ šaeckeekopac.

Anutuzi Njokâ-ticnere fuñne bataniñkeekac

³¹ “No nahac fuñne-nane mutaniñkepe fârimâc eocmu.

³² Fuñne-nane i moczi mutaniñkeocmu, erâ no manakopac, fuñne-nane mutaniñkeme fârine eocmu.

³³ Ñoñe Johane mu indin ecnepie dâñ fâri qizecne mutaniñkewec.

³⁴ Erâ ñiczi fuñne-nane mutaniñkeniñte ine mi muekopac, ñoñe fuñne-nane manarâ jujure hata âteniñte irec mâc ñañacnere muekopac.

³⁵ Johane e jâmbomac lambe sâko erâ tamae-ñarewec. Ehame ñoñe mâc šâzirine nacbembeñ hone añac ehuc jumbiñ sawa.

³⁶ “Á nore fuñne mutaniñkeekac, e Johane inucne mâcne, e sâc moc. Mamac gie munarewec, gie irec fârine bâfuape ine Mamaczi sorecnume wahapo irec fuñne taniñkeekac.

37 Mamac sorecnuwec eki hâcne fuņne-nane mutaniņkewec. Nոյե ine e jahacne mickonec dâņ mi manambiņ â hawarine wâc mi honembiņ.

38 Erâ nոյե dâņticne maņņeņicko sâcne mi râepie fohuc juekac. Nիc sorewec ere dâņ qikiņnehuc wemocko iņuc eniņmu.

39 Nոյե miti papiao kecšiņuc muhuc wose gufuc eeņgopieņ: Juju sanaņ ira hâcne soņkekiecne. Erâ izi hâcne nore fuņne mufuaekac.

40 Eme nոյե norao juhuc juju sanaņhec ee i sifu qikiņneeņgopieņ.

Judaņic jaņe Moserao maņgâņ roweckembiņ

41 “No nիczi saħac mumuteņ wiac enarenieņte irec mi muekopac.

42 Nոյere fuņne ine jâmbomac manaekopac, maņņeņic Anutura mi domaekac.

43 No Mamac-nanere michte nոյerao wahapo, eme nոյե sifu âgo mi enareeņgopieņ. Juku nիc moc e e jahacne maņte fisime ine âgo ecneniņmu.

44 Nոյե nաņaczia mumuteņ eec ehuc Anutu qâqâhâc sâko ere mumuteņte mi eņareekaczi wemocko mamasaniņhec eniņmu?

45 Nոյե nore šiņuc mi munšepieņ: Eki Mamac-tao dâņnâņec mugâpâre-nâreocmu. Iņuc mâcne, nոյե nիc moctao roweckeeņgopieņ, Mose hâcne, eki mugâpâre-ņareocmu.

46 Mose e dâņ qâreņkewec i nore qâreņkewec. Eme nոյե ere dâņ mana šakierâ muzac nore mâmâc mana šakienšapiņ.

47 Mosere dâņqâreņ qikiņnehuc nore dâņ wemocko mana šakieniņmu?”

6

*Jesuzi ñic 5000 nânâ gumec-jopawec
(Mat 14: 13-21 " Maò 6: 32-44 " Luë 9: 10-17)*

¹ Jesu e dân i mufârerâ Galilaia riqic, Tiberia riqic hâcne, fotâcnerâ ocniñucnao rašiwec.

² Rašime ñic ñokac bocjahazi huc šâichec qiqicne bacjopame honembiñte bâjâpembij.

³ Eme Jesuzi motecfâcne rocjopame tikio ferâ ñembij.

⁴ Damenÿ ira Judanjic aakic hombanÿ-jenÿic bembenÿkewec.

⁵ Eme Jesuzi šâñe firâ ñic guru sâko fisipie honec-joparâ Filipo wiocnerâ muwec, "Poronÿ wenirec furine barâ i sâko gumec-jopapene sâcjopaocmu?"

⁶ E wiac eocte manasume foha mâc esâickewec.

⁷ Eme Filipozi šinjuc muwec: "20 kinazi poronÿ furine barâ gumec-jopapene mâc hesâsâc-jopaocmu."

⁸ Mume motecfâcne jañeraonec moc, Anderea, Simonÿ Petorore qa, eki šinjuc muwec:

⁹ "Šira motec moc jukac eki poronÿ memoc â opâ qowi jajahec bajukac, erâ ñic guru sâko jâmbânÿte keci mac izi wemo ezo?"

¹⁰ Eme Jesuzi muwec, "Ñoñe ñic ejarepie qâzuckerâ waha ñeniñ." Eme mâreñ ira kecqañ fowec i toma âterâ ñic 5 tausenÿ qâririñ iñuczi waha ñerambij.

¹¹ Eme Jesuzi poronÿ rorâ danÿe murâ ñic ñerambij jañe bâtâc bajarewec â qowi iñuc jaha mupie sâc jarewec.

12 Nârâ gapec-jopame Jesuzi motecfâcne šîñuc jazawec: “Tiwâne forâ sipirickezacte nuseniñ.”

13 Eme jañe poroñ memoc irec tiwâne nusepie sasac 12 hurâ fusewec.

14 Eme ñic jañe fuñne qaqa mâsi i hone manac erâ mumbiñ, “Porofete sâko mârenko fuaocte mukicne, šine hâcne jâmbâñ.”

15 Eme jañe Jesu orâñkerâ mezi rorâ ñicwofuñ-jenjiç âkendâñnezo ehapie hone tarac-joparâ beheç-joparâ e jahackoan tikio fewec.

Jesu riqicko âte âte rawec

(Mat 14: 22-27” Maò 6: 45-52)

16 Hae owâeme motecfâcne jañe riqicmecko humbiñ.

17 Hurâ Kafanaum haeo risie raniñte woceo fembiñ. Erâ hae dapâc eme Jesu juhame buc rambiñ.

18 Ehuc mânâñ sanañne domame siri kâcçene game rambiñ.

19 Jañe kilometa 4 me 5 irec sâc rakuhapie Jesuzi riqic faio âte âte rarâ woce bâqinçkeme honerâ fâfârembiñ.

20 Inuç epie wira-jarerâ muwec: “Nâhâc fâkopac, mi hâwic-ñopaoc.”

21 Eme woceo ropie feocte ehapie izia woce mâreñ razo mumbiñko fisiwec.

Ñic jañe Jesu mâsire hesuambin

22 Ñic guru sâko jañe riqic ocninuçnao fohapie hae furewec. Hae fureme šîñuc mumbiñ: “Jacne ñafeo woce mocsâkoa ñeme honembeneñ, ira motecfâcne Jesu beherâ buc ferâ rambiñ.”

23 Injuc manahuc ñehapie Tiberia haonec woke gâcne Wofunzi danje murâ poroñ gumec-jopawecko ware fisimbiñ.

24 Eme ñic jañe Jesu e jahacne â motecfâcne basac-joparâ wokeo ferâ Kafanaum haeo risie rarâ ira basambiñ.

25 Riçic šiñucnao basaku bâfuarâ mumbiñ, “Qaqazu, go wezimucne waremec?”

26 Wiocnepie šiñuc jazawec: “No jâmbomac jâmbân mupe mananiñ, ñoñe fuñne qaqa mâsi bape honeengopien irec mâcne, nânâ gumec-ñopape nâ gapec embien, irec basacnuñgopien.

27 Ñoñe gie banšepien, erâ nânâ sisirowenere mâcne, juju sanante nânâ irec giene banšepien. Ñic Fâri Wâtuñne eki, Anutu Mamaczi kamac sarahuc âkendâñnewecte, juju sanante nânâ i sâcne ñareocmu.”

28 Mume dân šiñuc bâtikiecnembiñ: “Nâñe weniñuc erâ Anuture gie banañmu?”

29 Eme šiñuc jazawec: “Ñic sorewec e manasiñkezo, izi Anuture gie biñe-ñeñic ekac.”

30 Mume dân šiñuc âzâcnembiñ: “Mo fuñne qaqa mâsi mo batec honerâ manasiñgunañmu? Mo gie mo bacmu?”

31 Mimiñnefâc-nâñec jañe mâreñ sawao mana nâjumbien. Eme irec dânqâreñ šiñuc fokac: `Sambânkonec nânâ jareme nâjumbien. Ž ”

Sambânkonec nânâ irec dân

32 Eme Jesuzi šiñuc jazawec: “Jâmbomac jâmbân mupe mananiñ: Mose e sambânkonec nânâ mi bâfua-ñarewec, Mamac-nanezi sambânkonec nânâ fârine ñareekac hâcne.

33 Nânâ sambâŋkonec waharâ mâreŋŋic juju bâfua-ŋareekac izi Anuturaonec nânâ fârine ekac.”

34 Mume ŝiŋuc âzâcnembiŋ: “Wofuŋ, go nânâ mukic i dameŋ sâc nârezemec.”

35 Eme ŝiŋuc jazawec: “Jujure nânâ no hâcne. Moc e norao qohotaocmu e nânâre moc mi hâmoocmu, â moc e no manasiŋnuocmu e opâre moc mi hâmoocmu.

36 No ine ŋazape, ŋoŋe no honecnu-bipiehuc sifu mi manasiŋnuenŋopieŋ.

37 Mamaczi nareekac i jaŋe norao fisi-fâreŋiŋmu, â norao fisiocmu e mi bâsuepemu.

38 Sambâŋkonec wahapo i no nahacne micdâŋ dopeckepemurâ mâcne, sorecnuwec ere micdâŋ dopeckepemurâ wahapo.

39 Mamac-nanezi norao râec-jopaekac ŋic i jaŋe sipirickenŝipiŋte hone qâzuc ejareku dameŋ sâkoo furu jaha wiwic-jopape faharenŝoŋgopieŋ” sorecnuwec ere micdâŋ iŋuc hâcne fokac.

40 Ŋokâ hone dendenehuc manasiŋkeniŋmu sâc juju sanaŋ rauckeniŋmu” Mamac-nanere micdâŋ iŋuc hâcne fokac. Eme noni dameŋ sâkoo bâqârec-jopazokopac.”

Jesu e juju sanaŋte nânâ

41 Jesu e “sambâŋkonec nânâ no hâcne” iŋuc muwecte Judaŋic jaŋe mana sâqorecnehuc dâŋembiŋ.

42 Ehuc ŝiŋuc mumbiŋ: “Wiac Jesu e Josefere ŋokâ, nenŋoc mamac jahec-ticne i nâŋe honec-jofaenŋopeneŋ. Eme wemocte ŝiŋuc mukac: ‘No sambâŋkonec wahapo?’”

⁴³ Mupie Jesuzi šinuc jazarâ muwec: “Noņe boc mi manapie sâqorezejec.

⁴⁴ Njic moc e jahacne maņte norao fifisi i mi fokac, Mamac sorecnuwec eki fâreme fifisine ine fokac. Eme noni njic inucne e dameņ sâkoo bâqârezokopac.

⁴⁵ Porofete jaņere dâņqâreņ šinuc fokac: `Anutu e jahac njic sasawa miti jaza qazuc eocmu. Ž Irec moc e Mamaczi miti âzâcne qazuc eme man-aocmu e norao fisiocmu.

⁴⁶ Njic moczi moc Mamac honewec i mi fokac, Anuturaonec wahawec e mocjahazi Mamac honewec.

⁴⁷ No jâmbomac jâmbâņ ηazape mananiņ: Moc e no manasiņnuocmuzi juju sanaņhec eocmu.

⁴⁸ Jujure nânâ no hâcne.

⁴⁹ Mimiņnefâc-ņeņic jaņe mâreņ sawao mana nâpiehuc hâmo-fârembiņ.

⁵⁰ Á sambâņkonec nânâ nârâ mi hâhâmo ine norao fokac ši.

⁵¹ Jujure nânâ sambâņkonec wahacicne no nahacne hâcne. Irec moc e noraonec nânâ nârâ jurašihuc juocmu sanaņ. Biuc-nanezi nânâ ekac, i njiczi juju bâfuaniņte ηarepemu.”

⁵² Eme Judaniç jaņaczia mu qaqatarac erâ mumbiņ, “E weniņuc erâ biuc-ticne nâreme nanaņmurâ mukac?”

⁵³ Epie Jesuzi šinuc jazawec: “No jâmbomac jâmbâņ ηazakopac, noņe Njic Fâri Wâtuņne ere biuc â soc mi nâniņmuo maņņeņicko juju mi fuaocmu.

⁵⁴ Moc e nore biuc â soc nâocmuzi juju sanaņhec eocmu, eme noni dameņ sâkoo bâqârezokopac.

55 Nore biuc izi nânâ fârine, â nore soc izi opâ fârine.

56 Nore biuc â soc nâocmuzi no maŋnuocmu â noni e maŋkepemu.

57 Mamac e juju runezi sorecnume wahapore Mamacte erâ juekopac, eme no nâcnuocmuzi iŋuc jaha nore erâ juocmu.

58 Sambâŋkonec nânâ irec fuŋe iŋuc fokac. I mimiŋnefâc-ŋeŋic nâmbiŋ iŋucne mâcne. Jaŋe nâipiehuc hâmbiŋ. Á nore nânâ ŝi nâocmu e ine juraŝihuc juocmu sanaŋ.”

59 Jesu e Kafanaum haeo mitificko juhuc dâŋ i jaza qazuc ewec.

Nic tucnezi Jesu râpeckembiŋ

60 Kikefuŋfâc-ticne jaŋeraonec bocjahazi dâŋ i manarâ mumbiŋ, “Dâŋ kecŝi manapene ququŋkenehec ekac, i mozi manaocmu?”

61 Eme mu takic embiŋ i Jesu e maŋticnezi manarâ ŝiŋuc jazawec: “Dâŋ i manapie sâqorekac me?”

62 Eme Nic Fâri Wâtuŋnezi mârâc juweckoa risie feme manapie weniŋuc eocmu?

63 Sahacte biuczi juju bâbâfua i mi fokac, juju bâbâfua i Mârore gie. No dâŋ ŋazaekopac i Mârohec â jujuhec.

64 Eme ŋoŋeraonec tucnezi ine mana maŋ mi eenŋopien.” Jesu e miti-ticne qikiŋneniŋmu jaŋe mârâcko mana tarac-jopawec, â doc baocmu e mâmâc mana tarawec, irec dâŋ iŋuc jazawec.

65 Erâ dâŋ moc ŝiŋuc ŝuhuckerâ muwec: “No irec hâcne kecŝiŋuc ŋazapac: Moc e Mamaczi mi baafeckeha norao fisirâ jujune mi fokac.”

66 Eme damen ira kikefunfâc-ticne janjeraonec bocjahazi jume jujure takic-jopame râpeckembiņ.

Petorozi Jesure fuņne mujanņekewec

67 Eme Jesuzi motec fuņfuņfâc-ticne 12 in-diņ-joparâ muwec, “Ņone iņuc jaha râpecnuzo muņgopien me?”

68 Mume Simon Petorozi šiņuc âzâcnewec: “Wofuņ, go behegurâ moc morao ranaņmu? Go mocjahazi juju sanante dâņ bajuekic.

69 Nâņe go manasiņguhuc šiņuc managareņgopenen: Go Anuture Tiriņic hâcne.”

70 Eme Jesuzi šiņuc jazawec: “No motec ņone 12 rowosâec-ņopapo. Eme wemocte ņoņeraonec moczi Sataņ ekac?”

71 E Juda Simonte ņokâ Karioto haeonec ere manasuhuc iņuc muwec. E motec 12 janere guruoneczi hâcne juku šâhecko Jesu doc bawec.

7

Jesu e rehac boze hombaņte Jerusalem haeo fewec

1 Jerusalem haeonec Judaniņ jaņe Jesu qaniņte dâņ qacnepie Judaia mâreņ-jenic qikiņnerâ Galilaia mâreņko sawa rac warec ehuc juwec.

2 Ehuc juhame Judaniņ rehac boze hombaņ-jenic bembenķewec.

3 Ehamē qafâc-ticne šiņuc âzâcnembiņ: “Go šawierâ Judaia mâreņko rarâ, šira mâsi wiac bae-kic i ocna batec kikefunfâcge jaņe honenšepien.

4 Mozi fua tâcnezo murâ sonşon juhuc gie baocmu? Go gie iñucne bazo muekicte ra ñicguruo fua taniñkerâ batec honeniñ me!”

5 Qafâc-ticne jañe e mi manasiñkehuc iñuc mumbiñ.

6 Mupie Jesuzi şiñuc jazawec: “Ñoñe damen kosao wiac ezo murâ sâcne eniñmu, no ine damen-nane mi maickekac.

7 Ñic jañe ñoñe wemocko qaisoc-ñopaninmu, no ine juju bapa-jeñic sâqocne i mutaniñkepe qaisocnuenqopiñ.

8 Ñoñe hombañko raniñ, no ine damen-nane mi maickekacte şiñuczia mi rapemu.”

9 Iñuc murâ Galilaia mârenkoa juwec.

10 Eme jañe bânierâ rahapie e şâhecko buc kamierâ rawec.

11 Eme hombañ maickeme Judañic micne jañe basarâ wiwioc erâ mumbiñ, “E wena jukac?”

12 Á ñic omane sâko jañe ere dâñ bocjaha mufembiñ. Ehuc gâcnezi mumbiñ, “E ñic bianne,” â gâcnezi qatararâ mumbiñ, “Aricne, e ñic mañ bâsifuc ejareekac.”

13 Erâ Judañic micne jañere hâwic-jopame dâñ tâtâcko mi mumbiñ.

Jesu e Anuturaonec dâñ bawahawec

14 Eme hombañ şâşâñiñko Jesu e taha ufuñko ferâ miti jaza qazuc ewec.

15 Miti mume Judañic micne jañe wareckerâ şiñuc mumbiñ: “E nâñâcne mamana ficko mi juweczi weniñuc erâ mitire fuñne manaekac?”

¹⁶ Mupie Jesuzi šinuc jazawec: “No mitire fuņne qazu-ņareekopac i no nahacne mâcne, i sorecnuwec ere.

¹⁷ Eme mitire fuņne kecši i Anuturaonec me no nahacnaonec, i Anutu micne reņkehuc mana tarazo.

¹⁸ Moc e jahacnaonec manasurâ muocmu, e sahad mumutenęte hata âteocmu, â moc e gie runere mumutenę fuaocte gie baocmu, ere ine sahad fefe tâmiric siocmâc jukac muzo.

¹⁹ Mose e sâcmutâc dân mufua-ņarewec. Á ņoņeraonec moczi moc mi reņkeekac. Eme ņoņe wemo wiacte nuzo muņgopienę?”

²⁰ Mume ņic omane sâko jaņe mumbinę, “Go demonzi maņge bâsifuckekac. Mozi guzo mukac?”

²¹ Eme Jesuzi jazawec, “No mâsi mocjaha bapo irec erâ mu warec boc eņgopienę.

²² Mupe mananiņ: Mosezi motecfâc-ņeņic sahad-jeņicko ma baniņte muņarewec. Erâ i Mosezi mi fuņkewec, mimiņne jaņe fuņkembinę. Eme gie i bapane maickeme sabata hombaņko wâc baeņgopienę.

²³ Ine hâcne Mosere sâcmutâc dân huckepie fârimâc ezacte hombaņko motecfâc-ņeņic sahad tofa-jeņicko gie i baeņgopienę, â no ine ņicpurinę sahad-ticne furu jaha hombaņko bâpianękepo, irec wemocte mana gâpâre-nareņgopienę?

²⁴ ņoņe dân onšoņ jaha sahadne mi muninę, mana wosâehuc dân fârine munšapinę me!”

Jesu e Anuture bufuņkonec wahawec

²⁵ Eme Jerusalem hae rune jaņe šinuc mumbinę: “ņic qazo muenęopienę ine hâcne ši.

²⁶ Hâc, e weniñuc erâ dâñ tâtâcko mume micnefâc-nâñec jañe mi qataracneñgopien? Me jañe fuñne-ticne mana tarahuc manacnepie Kristo ekac mecne?

²⁷ Erâ iñuc wâc mâcne mecne. E fufua-ticnere fuñne manañgopenen. Kristo wareocmu ine ere fuñne kâuc bafârenañmu.”

²⁸ Jesu e taha ufuñko miti qazu-jarehuc domahame iñuc mupie hahanñe bahuc muwec, “Oi ñoñe, mana taracnurâ fufua-nanere fuñne manañgopien, ñoñe hâcne. Wahapo i no nahacne manñe mi wahapo, jâmbomac rune moc jukac eki sorecnume wahapo. Ñoñe e kâuc banñopien.

²⁹ No ine e jahacne bufuñkonec sorecnume wahapore e mana tarakopac.”

³⁰ Iñuc mume kâpâcwâru baniñte mumbiñ. Erâ damenñ-ticne mi maickewecte mejenic mâckeme behembiñ.

³¹ Ehame ñic omane jañeraonec bocjahazi fuñkerâ Jesu manasiñkemiñ. Ehuc šiñuc mumbiñ: “Kristo fisiocmu, e ñic šizi mâsi baekac i sirickehuc baocmu me? Aricne, e bafâreekac.”

³² Ñic jañe dâñ iñucne kamierâ mupie farisaio jañe manarâ taha bapa micne jañehac nazañ gazañ erâ momori jañe Jesu kâpâcwâru baniñte sorec-jopapie rambiñ.

Jesu e Mamac-ticnerao risieocte jazawec

³³ Eme Jesuzi ñic šiñuc jazawec: “No damenñ bemenñe sawa ñoñehac jurâ sorecnuwec erao risiepemu.

34 Eme ñoje no basacnu-bipiehuc mi bâfuacnuniñmu. Ra jupemu ira wemocko fâniñmu.”

35 Inuc mume Judañic jañe šiñuc muhuc nazañ gazañ embiñ: “E wena rame basa-bipienañte mukac? Judañic âgofâc-nâñec Grië mâreñko jurangopieñ jañerao raocete mukac, ehuc Grië miti jazaocete manasuhuc mukac?”

36 Basacnu-bipiehuc mi bâfuacnuniñmu, â rapemu ira sâcne mi fâniñmu, dâñ inucne weniñucte mukac?”

Jesu manasiñkehuc opâ sârohec ezo

37 Judañic jañe hombañ botâñne ñetaraniñte tutumañ sâko ehuc ñehapie Jesuzi faharerâ domahuc dâñ wiwic jaha šiñuc muwec: “Moc e opâre hâmokacko norao warerâ nâzejec.

38 Á moc e manasiñnuhuc juocmu ere bu-mañkonec opâ sâro fifisine wahahuc domaocmu. Miti papiao dâñ inuc hâcne qâreñkekicne.”

39 Jesu manasiñkemiñ jañe Mâro biñe qajarehuc inuc muwec. Jesu e damañ ira sambâñ eri tatamac-ticnere mañnao mi risie fewecte Mâro mi wahawec.

40 Njic jañe dâñ i manarâ Jesure šiñuc mumiñ: “E jâmbomac porofete sâko-nâñec.”

41 Á gâcnezi mumiñ, “E Kristo jâmbâñ.” Mupie tucnezi qatararâ mumiñ, “Wiac Kristo e wemocko Galilaia mâreñkonec fuaocmu.

42 Tiri Papiao dâñ šiñuc mukicne: Kristo e Dawidire haefuñ Betelehem ira oso gitecfâc-ticne jañere ñondenkonec fuaocmu.”

43 Njic jañe Jesure inuc muhuc fâuckemiñ.

44 Eme gâcnezi kâpâcwâru baniņte murâ mejenic mâckeme behembiņ.

Jesu kâpâcwâru baniņte eipierâ behembiņ

45 Eme momori jaņe taha bapa micne â farisaio jaņerao risiepie wio-jarerâ mumbiņ: “Nņe we-mocte mi rorâ bawareņgopieņ?”

46 Wiopie momori jaņe mumbiņ, “E dâņ muekac, iņucne ņic gâcnezi.mumune mi fokac.”

47 Mupie farisaio ņic jaņe ņiņuc jazambiņ: “Me, nņe iņuc jaha maņ bâsifuc eņarejec?”

48 Soņaņ kâcņene â farisaio ņic nâņeraonec moczi erao moc qohotakac me?

49 I aricne i, ņic omane guru, sâcmutâc dâņ mi mamana jaņe sawa, hârâcte biņe jaņe hâcne.”

50 Eme âgo-jeņic moc Nikodemo, mârâc Jesu iqickewec, eki ine ņiņuc jazawec:

51 “Nņe muniņ, ņic moc fuņne-ticne mi man-ahuc â kiņticne mi honehuc okacnere dâņ mâc mumutarane, iņuc ezore sâcmutâc papia-nâņecko moc qâreņkekiecne fokac me?”

52 Eme âgofâcne jaņe ņiņuc mumbiņ: “Eme go iņuc jaha Galilaia mâreņkonec me? Wose gufuc eku ņiņuc manacmu: Galilaia mâreņkonec porofete fufuane mi fokac.” [

53 Eme jaņe râwiņnerâ ficjeņic sâc rafârembiņ.

8

Nokac sâqocne moc Jesurao barambiņ

1 Jesu e Oliwa tikio fewec.

² Hae fureme irecnec risierâ taha ufuŋko feme ŋic jaŋe erao mâretec tumaŋnemiŋ. Eme ira ŋehuc miti jaza qazuc ewec.

³ Ehame miti qaqazu â farisaio ŋic jaŋe ŋokac moc boe sau ehuc juhame bâfuakicne e Jesurao bararâ

⁴ mumiŋ, “Qaqazu, ŋokac kecši boe sau ehuc juhame bâfuakicne.

⁵ Eme Mose e ŋokac iŋucne qânâzi hehâmoc-jopazore sâcmutâc dâŋko munârewec. Gahac ine weniŋuc mukic?”

⁶ I mâc esâickepie dâŋ iŋuc me iŋuc mume dâŋko râeniŋte fecnehuc mumiŋ. Mupie Jesu e daperâ mâreŋko mezi qâreŋkewec.

⁷ Qâreŋkehame wiocnerâ wiocne epie qâhâŋnerâ šiŋuc jazawec: “Ŋoŋeraonec moc bahac tâmiric juekaczi fuŋkerâ qânâzi heme henšepien.”

⁸ Iŋuc murâ mocwâc daperâ mâreŋko qâreŋkewec.

⁹ Ehame jaŋe dâŋticne manarâ micnezi bânieme moc moc raku rafâremiŋ. Eme ŋokac e Jesure maŋfuŋko buc domame,

¹⁰ Jesuzi qâhâŋnerâ wiocnerâ muwec: “Ŋokac, jaŋe wena? Moczi moc okacnere dâŋ mi mugare-jec me?”

¹¹ Eme ŋokazi muwec, “Wofuŋ, aricne.” Mume muwec, “Eme noni iŋuc jaha okacnere dâŋ mi mugarepemu. Go mâc ra juhuc sâqocne mocwâc mi bazemec.”]

Jesu e fuŋne-ticne mutaniŋke-jarewec

¹² Eme Jesuzi ñic dân moc šinuc šuhuckerâ jazawec: “No mâreñ sâc ñic ñoñere šoctamac. Eme moc e no bâjâpecnuocmuzi dapâcko mi rahuc juocmu. E jujure tatamac focnehome juocmu.”

¹³ Inuc mume farisaio ñic jañe šinuc âzâcnembiñ: “Ži go gahac fuñnege mutaniñkekomec, i manapene fârine mi ekac.”

¹⁴ Mupie Jesuzi šinuc jazawec: “No nahac fuñne-nane mutaniñkepe irec fârimâc mi eekac. No wenirec warepo â wena rapemu irec fuñne manahuc dân muekopac. Ñoñe ine irec â irec mâmâc kâuc baengopieñ.

¹⁵ Ñoñe fuñne riritu gie baengopieñ i sasahac eekac. No ine fuñne riritu gie mi baekopac.

¹⁶ Me fuñne riritu gie bapemuo ine fârinehec eocmu. No fuñne riritu gie buc bapane mi fokac. Mamac sorecnuwec eki baficnume bapane fokac.

¹⁷ Eme sâcmutâc dânñeñicko kecšinuc fokac: “Ñic jajaheczi mocte fuñne ritupire fârine muzo.

Ž

¹⁸ Eme no fuñne-nane mutaniñkehape Mamac sorecnuwec eki inuc jaha mutaniñkeekac.”

¹⁹ Dân inuc jazame wiocnerâ mumbiñ, “Mamacge wena?” Eme šinuc jazawec: “Ñoñe no mi mana taracnuhuc Mamac-nane inuc jaha mi mana taraengopieñ, no mana taracnurâ muzac, Mamac-nane inuc jaha mana taranšapiñ.”

²⁰ Jesu e ufuñko taha katapa ñewec mañne ira miti jaza qazuc ehuc dân i muwec. Eme damen-ticne mi maickewecte wemocko afeckerâ kâpâcwâru banšapiñ.

Niczi mâreñkonec, Jesuzi sambânkonec

21 Eme Jesu e harierâ šiņuc jazawec: “No behecnopa rape nōņe basacnurâ sâqocne-ņeņichec juku hâmoniņmu. No ra jupemu ira wemocko fâniņmu.”

22 Iņuc mume Judaniç jaņe mumbiņ, `à `No ra jupemu ira wemocko fâniņmu', iņuc wemocte mukac? Sahac-ticne qarâ hâmoocte mukac me weniņuc?”

23 Eme Jesuzi šiņuc jazawec: “Nōņe juwickonec, no faickonec, nōņe mâreņkonec, no mâreņkonec mâcne.

24 No irec hâcne ņazakopac: nōņe sâqocne-ņeņichec juku hâmoniņmu. No jukopac ši fuņne-nane ņazaekopac i mi mana šakieniņmuo, sâqocne-ņeņic foņarehame hâmoniņmu hâcne.”

25 Mume wiocnerâ mumbiņ, “Eme go mo?” Mupie Jesuzi jazawec, “Nazaekopac i jâmbâņ hâcne.

26 No nōņere bahac â kiņdâņ bocjaha bajuekopac. Sorecnuwec eki dâņ fârine muekac, eme noni micticnaonec manapo ijaha šira mâreņko mufuaekopac.”

27 Mamac-ticnere iņuc jazame jaņe mi mana tarambiņ.

28 Irec Jesuzi šuhuckerâ šiņuc jazawec: “Nōņe Njic Fâri Wâtuņne bâfeņnerâ fuņne-ticne mana taraniņmu. Erâ no nahacne maņte wiac mi eekopac, Mamaczi qazu-narewec dâņ ijaha muekopac, i wâc mana taraniņmu.

29 Sorecnuwec e nohec juekac. No damenj sâc wiac epe bape maname biankeekacte no mi behecnuekac.”

Sâqocne bahuc irec kiñaŋ qaqa ezo

³⁰ Dâŋ iŋuc mume ɲic bocjahazi manasiŋkemiŋ.

³¹ Eme e manasiŋkemiŋ Judaŋic jaŋe hâcne ŝiŋuc jazawec: “Nɔŋe nore dâŋko juhuc ine motec fuŋfuŋfâc-nane eniŋmu.

³² Eme nore dâŋ fâri qizecne mana tarapie izi batarac-ŋopame niŋgiŋ tâmiric sâcne erâ juniŋmu.”

³³ Mume dâŋ ŝiŋuc bâtikiecnemiŋ: “Nâŋe Abrahamte qâricfâc, mozi mo kiñaŋ qaqa fâc-ticne bacnâporâ niŋgiŋ-nâpowecte go ŝiŋuc mukomec: `Niŋgiŋ tâmiric eniŋmu'?”

³⁴ Eme Jesuzi ŝiŋuc jazawec: “No jâmbomac jâmbânŋ ɲazakopac, moc e sâqocne baocmuzi sâqocnere kiñaŋ qaqa eocmu.

³⁵ Kiñaŋ qaqazi bomboŋ-ticnere fic haeoa hati mi jurâ ju eocmu, ɲokâzi ine mamac-ticnere fic haeo hati juraŝihuc juocmu.

³⁶ Irec Nokâ eki firuec-ŋopame ɲoŋe jâmbomac niŋgiŋ tâmiric juniŋmu.

Jesure dâŋ qikiŋnerâ Satante ɲic ezo

³⁷ “Nɔŋe Abrahamte qâricfâc, i noni manakopac. Eme ɲoŋe ine dâŋnanezi ɲoŋerao hesowariekacte qâhâmocnuzo muŋgopieŋ.

³⁸ No Mamac-nanerao wiac honehuc jupo irec hâcne muekopac, â ɲoŋe ine ɲaŋacne mamactaonec wiac manambiŋ i eenŋopieŋ.”

³⁹ Mume ŝiŋuc âzâcnemiŋ: “Nâŋe mamac-nâŋec Abraham.” Eme Jesuzi ŝiŋuc jazawec: “Nɔŋe Abrahamte qâricfâc jurâ muzac e hawari enŝapiŋ.

⁴⁰ Anuturao dâŋ fâri qizecne manapo i ŋazaekopac, ehame ŋoŋe nuzo muŋgopieŋ. Wiac iŋucne Abrahamzi mi ewec.

⁴¹ Ŋoŋe ine ŋaŋacne maŋte hata âteŋgopieŋ.” Eme jaŋe mumbiŋ, “Nâŋe fiuckonec mi fuamben, Anutu e Mamac-nâŋec mocjaha.”

⁴² Mupie Jesuzi ŝiŋuc jazawec: “Mamac-ŋeŋic Anutu eme muzac, no âgo enarenŝapiŋ. No Anuturaonec hâcne wahapo, no nahacne. maŋte mi wahapo, eki sorecnume wahapo.

⁴³ Weniuŋuc erâ jupie dâŋŋanezi maŋŋeŋicko mi huekac? No dâŋ mupe ŋoŋe hazec afec mi manaenŋopieŋ irec hâcne.

⁴⁴ Ŋoŋe mamac-ŋeŋic Sataŋ, eme ere qafeŋko wiac eŋgopieŋ. E mârâc jaha ŋic sisipiric juweczi juwareekac. E dâŋ fâri qizecne râpeckewecte maŋticnao jâmbomac dâŋ moc mi fokac. E bureczi nânâ opâ-ticne ewec. E burecŋic â burecte mamac.

⁴⁵ No ine dâŋ fâri qizecne ŋazaekopacte dâŋŋane qikiŋneenŋopieŋ.

⁴⁶ Ŋoŋeraonec moczi sâcne nore bahac moc muocmu? Eme no sâc iŋucnezi dâŋ fâri qizecne ŋazape wemocte mi mana ŝakieŋgopieŋ?

⁴⁷ Moc e Anuture biŋe juocmuzi dâŋticne man-aocmu. Ŋoŋe Anuture biŋe mi juenŋopieŋte dâŋticne qikiŋneenŋopieŋ.”

Jesure dâŋ bajuhuc hâmoc sanaŋ mi maickezo

⁴⁸ Mume Judaniŋic jaŋe dâŋ ŝiŋuc bâtikiecnembiŋ: “Wiac wemo muenŋopeneŋ, go Samaria ŋic, go demonzi egareekac.”

49 Eme Jesuzi šiņuc jazawec: “No demonzi mi enareekac, no Mamac-nane sâseekopac, ŋoņe ine no ba jawa enareengopieņ.

50 No šâņe biņe-nanere manabâc erâ mi ŋazakopac. šâņe biņe-nane hewirickerâ irec dâņne mumu ine mocte gie.

51 No jâmbomac jâmbâņ ŋazape mananiņ: Moc e nore dâņ bajuocmuzi hâmoc moc mi maicke-jâmbâņkeocmu.”

52 Iņuc mume Judaiņic jaņe kecšiņuc mumbiņ: “Demonzi egareekac, i jâmbomac. Abraham hâmowec, â porofete jaņe iņuc jaha hâmombiņ, ehame go šiņuc mukic: `Moc e nore dâņ bajuocmuzi hâmoc moc mi maickeocmu. Ž

53 Mamac-nâņec Abraham e sâkozi hâmowec, eme go ere sâc jâuruzo mukomec? Á porofete jaņe iņuc jaha wâc hâmombiņ. Go wemocte saħacge boc bafekomec?”

54 Mupie Jesuzi šiņuc jazawec: “No nahac saħac-nane bafepe mi sâckeocmu. Mamac-nane jukac, e Anutu-nâņec mucneengopieņ, eki ine muafeċnuekac.

55 Ŋoņe e mi mana taraengopieņ, no ine mana taraekopac. Ireċ no weniņuc mi mana tarakopac mupemu. I mupe bureċ eme ŋoņere sâc ezapo. Aricne, no mana tarahuc dâņticne bajuekopac.

56 Mamac-ņeņic Abraham e nore šâfo maickeme honeocte aņac sâko bajuwec. Erâ juku maickeme honerâ šeri ewec.”

57 Iņuc mume Judaiņic jaņe mumbiņ, “Go jarage 50 mi bazumeņzi Abraham honemeņ me?”

58 Mupie Jesuzi jazawec: “No jâmbomac jâmbâņ ŋazape: No Abraham mi fuarâ juħame jupozi

jukopac.”

⁵⁹ Injuc mume qânâ rorâ hezo epie e fosironerâ taha ufunkonec wahawec.

9

Nic šâŋe tiŋtuŋ moc ere dâŋ

¹ Jesu e hata rahuc ŋic moc neŋgoc bumaŋkonec tiŋtuŋ fuakicne e bâfuawec.

² Eme motecfâcne jaŋe wiocnerâ mumbiŋ, “Qaqazu, more kiŋte tiŋtuŋ fuawec, e jahacne me neŋgoc mamac jahere?”

³ Mupie Jesuzi šiŋuc jazawec: “Irec aricne, e jahacne kiŋte me neŋgoc mamac jahere kiŋte mâcne, Anutu tâpiri-ticnere fuŋne erao taniŋkeocte iŋuc fuawec.

⁴ Nâŋâc sorecnuwec ere gie šoaŋkoa bahuc junšepeneŋ, ŋaŋe fuame gie bapane arictac eocmu.

⁵ No mârenko jupemu sâc šoctamac-nanezi âke tamae-ŋareocmu.”

⁶ Injuc murâ mârenko tâfeckerâ afe jârickerâ ŋic tiŋtuŋ šâŋene ruacnerâ

⁷ šiŋuc muhuc sorewec: “Go rarâ Siloam riqicko wânâŋe šurec.” (Siloam i nâŋâcne dâŋko sorekicne.(c) Eme ŋic e rarâ saha-ticne šurehuc šâŋe fitâcnewec.

⁸ Injuc erâ risieme âgofâc-ticne jaŋe, â nânâre numu-jarehuc juwec ŋic i jaŋe mâmâc honerâ wiwoc erâ mumbiŋ: “Nânâre numu-nârehuc ŋeŋerâ juekac e hâcne me?”

9 Eme tucnezi mumbiņ, “Ine hâcne.” Á tucnezi mumbiņ, “Aricne, e tinac moc.” Inuc mupie e jahac muwec, “No hâcne ši `à

10 Eme wiocnerâ mumbiņ, “Weniņuc erâ šâņe fitâcnekomec?”

11 Eme jazawec, “Ņic moc šâņene Jesu eki afe jârickerâ šâņe-nane ruacnerâ šiņuc nazajec: `Go Siloam riqicko rarâ sahačge šurec. Ž Eme no rarâ sahač-nane šurerâ šâņe fifi epac.”

12 Inuc mume wiocnerâ mumbiņ, “Ņic e wena jukac?” Eme muwec, “No mi manakopac.”

Farisaio ņic jaņe ņic tiņtuņ ere dâņ mumbiņ

13 Eme ņic tiņtuņ ecnewec e farisaio jaņerao jowa rambiņ.

14 Eme Jesuzi afe jârickerâ šâņene bātâcnewec i sabata hombaņko ewec.

15 Eme farisaio ņic jaņe inuc jaha wiocnerâ mumbiņ, “Go weniņuc erâ šâņe fifi emec?” Mupie šiņuc jazawec: “E šâņe-nane afe ruacneme no ra sahač-nane šurerâ šâņe fifi epac.”

16 Eme farisaio jaņeraonec gâcnezi mumbiņ, “Ņic e Anuturaonec aricne, e hombaņ-nâņec qâsuakac.” Gâcnezi ine mumbiņ, “E hehesic juhuc muzac mâsi inucne wemocko bazac.” Inuc muhuc qačatarac embiņ.

17 Ehuc ņic tiņtuņ ecnewec e indiņkerâ mumbiņ, “Žâņege bātâcnejec, gahac ere weniņuc mukic?” Eme muwec, “E porofete.”

18 Eme Judanič jaņe ņic e jâmbomac šâņe tiņtuņ juku šâņe fifi ejec, inuc muhuc manjahec erâ neņgoc mamac jahec-ticne hefârec-jofarâ

19 wio-jacterâ mumbiņ: “Ņokâ-ņekic tiņtuņ fuawec mukopirec šine hâcne? E weniņuc erâ šâņe fifi ejec?”

20 Eme neņgoc mamac jahecne šiņuc mupic: “E ņokâ-nâhec, i manakoperec, â tiņtuņ fuawec, i wâc manakoperec.

21 Erâ weniņuc erâ šâņe fifi ejec, me mozi šâņene bătâcnejec, ine mi manakoperec. Wiac e soka-fârekicne, irec e jahacne wiocnemie fuņeticne ņazaoc.”

22 I Judaiņic jaņere hâwic-jofame iņuc mupic. Jaņe dâņ šiņuc mujomirembiņ: “Moc e Jesure Kristo mume miti sakarecnenšepeneņ.”

23 Irec hâcne neņgoc mamac jahec-ticne hâwic-jofame šiņuc mupic: “E soka tarakicnere e jahacne wiocneniņ.”

24 Eme ņic šâņe tiņtuņ ecnewec e mocwâc hefârerâ šiņuc âzâcnembiņ: “Go Anutu muteņkehuc dâņenšaņ, nâņe ņic ere fuņne manaņgopeneņ, e hehesicne.”

25 Mupie šiņuc jazawec: “E ņic hehesicne me mâcne, i mi manakopac. Á tiņtuņ jupozi šâņe fifi epac, ine mana-jâmbâņkekopac.”

26 Mume harierâ wiocnembiņ, “Weniņuc egarejec, weniņuc erâ šâņege bătâcnejec?”

27 Mupie šiņuc jazawec: “No ņazapac i, ņoņe ine mi manambieņ” wemocte hâsine ņazape mananiņte muņgopieņ? ņoņe motecfâcne ezo muņgopieņ me?”

28 Iņuc mume haneckerâ mumbiņ, “Go hâcne motec-ticne, nâņe ine Mosere motecfâc.

29 Mose e Anutuzi dâņ âzâcnewec, i

manaŋgopeneŋ, â ñic e irec me irec fuarâ warewec ine mi manaŋgopeneŋ.”

³⁰ Mupie ñiczi dâŋ ŝiŋuc bâtikie-jarewec: “Zâŋenane bâtâcnejec ere fufuare kâuc bapie warec-ŋopakopac.

³¹ Nâŋâc kecŝiŋuc manaŋgopeneŋ: Anutu e ñic hehesicne mi bafic-jopaekac, moc e araŋ bacnehuc micne reŋkeme bafickeocmu.

³² Á ñic moczi tiŋtuŋ fuakicne moc ŝâŋe fifi bawec, biŋe iŋucne mâreŋ fufuaonecteaŋ moc mi mana wefukicne.

³³ Irec ñic e Anuturaonec mi waharâ muzac, gie iŋucne wemocko bazac.”

³⁴ Mume ŝiŋuc âzâcnembiŋ: “Sâqoc qaqocne fuakicne go iŋucnezi miti qazu-nârekomec me?” Iŋuc murâ tuŋkembîŋ.

Jesu mi manasiŋkehuc maŋ tiŋtuŋ juzo

³⁵ Tuŋkepie Jesuzi manawec. Erâ bâfuarâ wiocnerâ muwec, “Go Ñic Fâri Wâtutŋe e manasiŋkekomec?”

³⁶ Eme ñiczi muwec, “Wofuŋ go mukomec e mo? Nowatutec hone tararâ manasiŋkepe.”

³⁷ Mume Jesuzi ŝiŋuc âzâcnewec: “Á go hone-mec, dâŋ gazakopac no hâcne ine.”

³⁸ Eme ñiczi muwec, “Wofuŋ, no manasiŋgukopac”, iŋuc murâ kikefuŋnao fodapewec.

³⁹ Eme Jesuzi muwec, “No ñic fuŋne-ŋeŋic bajaŋgeŋkepemurâ mâreŋko wahapo. Eme irec tiŋtuŋzi ŝâŋe fifi enŝepieŋ â ŝâŋe fifizi tiŋtuŋ enŝepieŋ.”

40 Inuc mume farisaio ñic mâmâc domambin jañe manarâ mumbin, “Á nâñe tințuñ me?”

41 Mupie Jesuzi jazawec “Ñoñe tințuñ jurâ muzac kiñ tâmiric enșapin. Ñañac muenğopien, `Nâñe șâñe fifi', irec kiñ foñareocmu.”

10

Lama jañe soñañ-jeñicte dâñ manaenğopien

1 Jesuzi dâñ șinuc muwec: “No jâmbomac jâmbân ñazape mananiñ, moc e lama jañere sapao feocte motâcko mi rașihuc mocko sac huckerâ huocmu, ere fiuc roro â soron ɢaɢa muzo.

2 Moc e motâcko rașirâ feocmu, ere ine lama soñañ-jeñic muzo.

3 E fisime motâc soñañzi honerâ motâc rocneocmu â lama jañe dâñ hawari-ticne mananiñmu. Eme lamafâc-ticne jañere șâñe wirahuc sapaonec jowac-jopa wahaocmu.

4 E jahacne biñefâc jowac-jopa-fâreme waharâ, dâñ hawari-ticne manaenğopiențe bâjâpeniñmu.

5 Ñic furune moc e ine mi bâjâpeniñmu, e dâñ hawari-ticne kâuc bahuc hâhâwic bacnerâ wișeniñmu.”

6 Jesu e dâñ sunșuñne inuc mume jañe weniñucte inuc mukac muhuc kâuc bambin.

Jesu e motâc

7 Eme Jesu e harierâ jazawec, “Jâmbomac jâmbân ñazape mananiñ, lama jañerao fefe irec motâc no.

8 No mi fuahape fuambin jañe ine fiuc roro â soron ɢaɢa. Irec lama jañe dâñjeñic mi manambin.

⁹ Motâc no hâcne. Moc e fotâcnurâ rašiocmu, e mi sipirickeocmu. E rašic wefuc ehuc nânâ mâriri bâfuaoocmu.

¹⁰ Fiuc roro e lama qa sipiric erâ fiuc bawiseocte sawa fisiekac. No ine lama jaņe juhâc qâhâmoniņte nânâ bâfuape qaņqaņ qâriaņ fojareocte fisipo.

Jesu e soņaņ bianņe

¹¹ “No soņaņ bianņe. Soņaņ bianņezi lama jaņere erâ juju-ticne qikiņneocmu.

¹² Soņaņ jabane, lama ru jeņic mi juekaczi ine kâte qâto fisime honerâ lama behec-joparâ wiseocmu. Ehame kâte qâtozi lama ki bâtâtiec ejareocmu.

¹³ E soņaņ jabanere lama jaņere manabâc mi eocmu.

¹⁴ No ine soņaņ bianņe juekopac, eme Mamac â no hohonec mamananac eekoperec,

¹⁵ irec sâcko no â gurufâc-nane hohonec mamananac eengopeneņ. Irec no lama jaņere erâ juju-nane qikiņnepemu.

¹⁶ No lamafâc-nane guru moc juņgopieņ, jaņe sapa širecnec mâcne, eme no jaņe wâc mâmâc amec-jopa warepe dâņnane mananiņmu. Eme lamazi guru mocjaha â soņaņzi wâc mocjaha iņuc fuaocmu.

¹⁷ No juju-nane qikiņnerâ mocwâc ropemu, irec Mamaczi nore ecneekac.

¹⁸ Juju-nane moczi mi nowac roocmu, i no nahacne maņte qikiņnepemu. No juju-nane qikiņnepemurâ â ropemurâ irec tâpiri mâmâc fonarekac. Iņuc epemurâ Mamac-nanezi munarewec.”

19 Jesu e dâŋ iŋuc mume Judanċic jaŋe manarâ mocwâc mu qağatarac embiŋ.

20 Ehuc bocjahazi šiŋuc mumbiŋ: “E demonċzi ecneme maŋne sifuckekac, dâŋ mume wemocte manahuc juŋgopieŋ.”

21 Gâcnezi ine šiŋuc mumbiŋ: “Demonċheczi dâŋ iŋucne mi muocmu, me demonċ moczi ŋic tiŋtuŋ jaŋere šâŋe sâcne bâtâcneocmu me?”

Jesure meonec lamafâcne babatarac-jopane mi fokac

22 Judanċic taha ufuŋ jambuŋkembieŋ irec jara hombaŋ i mâmâteŋ damenċko maickeme

23 Jesu e taha ufuŋ irec maŋne moc šâŋene Salomo ira rac warec ehuc juhame

24 Judanċic jaŋe orâŋkerâ šiŋuc muhuc âzâcnembieŋ: “Go wemocte fuŋnege hesonċketc maŋjahec boc eenċopeneŋ? Go Kristo jukomecko mutaniŋkerâ nâzâc me!”

25 Eme Jesuzi šiŋuc jazawec: “No ŋazape mi mana šakieeŋgopieŋ. Mamac-nanere michte gie baekopac izi mutaniŋnuekac.

26 Á ŋoŋe ine lamafâc-nane mi erâ juŋgopieŋte dâŋnane mi mana šakiee ŋgopieŋ.

27 Lamafâc-nane erâ juŋgopieŋ jaŋe dâŋnane manaengopieŋ. Eme noni mana tarac-jopahape bâjâpecnuengopieŋ.

28 Eme juju sanaŋ bâfua-jarepe sisipiric tâmiric jurašihuc juniŋmu. Jaŋe nore meonec moczi babatarac-jopane mi fokac.

29 Mamac-nanezi norao ŋec-jopawec e ŋic â wiac sasawa qâhuc-jopa-fârekac. Eme jaŋe

moczi Mamac-nanere meonec sâcne mi batarac-jopaocmu.

³⁰ No â Mamac nâhe mocjaha.”

Jesu e Judanġic gie-ticnere jazawec

³¹ Inġuc mume Judanġic jaŋe qânâ ameckerâ hezo embiŋ.

³² Inġuc epie Jesuzi ŝiŋuc jazawec: “Gie biaŋne fuŋne fuŋne Mamacte ŋesiŋko bape honembieŋ, eme ŋoŋe wenimo irec qânâzi hecnuzo eŋgopieŋ?”

³³ Eme Judanġic jaŋe micnao rorâ ŝiŋuc âzâcnemiŋ: “Gie biaŋne baekic irec mâcne, go ŋic jaha juekiczi Anutu âkehockehuc gahacnere Anutu muekic, irec qânâzi hecguzo muŋgopeneŋ.”

³⁴ Inġuc mupie Jesuzi ŝiŋuc jazawec: “Sâcmutâc dâŋŋeŋicko ŝiŋuc mukicne: `Noni mupo, ŋoŋe nemu'.

³⁵ Eme mitire dâŋqâreŋ i âke sipuhuc moc mumune mi fokac. Erâ Anuture dâŋ fua-jare jujec inġucne mac jaŋe nemu mujarewec.

³⁶ Ehome ŝi ine no Mamaczi mutiricnurâ sorecnume wahapozi `no Anuture Nokâŝ inġuc mupe ŋoŋe wemocte muŋgopieŋ, `Go Anutu âkehockekic'?

³⁷ Gie baekopac i honepie Mamac-nanere sâc mi eekacko dâŋnane qikiŋnepie sâckeocmu.

³⁸ Me honepie Mamac-nanere sâc eekacko ine dâŋnanere mâcne, gie bapa-nanere erâ ŝâŋitacnunŝepieŋ, ehuc Mamaczi no maŋnuekac â noni Mamac maŋkeekopac irec fuŋne mana taranŝepieŋ.”

³⁹ Injuc mume kâpâcwâru bazo ehuc bârucnemie rawec.

⁴⁰ Eme Jesu e Jordanj opâ ocniñucnao Johanezi mârâc funkerâ ñic opâ rua-jare jujecko ra juwec.

⁴¹ Ira juhame ñic bocjahazi erao fisirâ dân šinuc mumbiñ: “Johane e mâsi bapa i mi bawec, â ñic kecširec dân muwec ine fidetenj efârekac.”

⁴² Eme mârenj ira bocjahazi Jesu manasiñkemiñ.

11

Lazaro hâmwec

¹ Betania haeo ñic moc juwec šânjene Lazaro, e huc bame fowec. Maria â Mata jahe hahac qozi hae irecteanj.

² Maria eki hâcne Wofunj opâ âsu bianj ruacnerâ qizec susuc-ticnezi kikene bâkerenjkewec. Qaticne Lazaro hâcne huc fowec.

³ Eme jahe hahac qozi Jesurao dânj kecšinuc muhuc râepire rawec: “Wofunj go manac, âgoge huc fokac.”

⁴ Eme Jesuzi biñe manarâ šinuc muwec: “Huc irec fârine hâmoc fuaocte mâcne, Anuture mumutenj fuaocte mukicne. Anutu ñokâ-ticne ere sambânj qârenj fua taniñkeocte hâcne.”

⁵ Mata â qoticne â Lazaro janjere Jesuzi ecnewec.

⁶ Eme hucte biñe manarâ juweckoa gie bapa jajahec mocwâc juwec.

⁷ Injuc jurâ motecfâcne šinuc jazawec: “Warepie Judaia mârenjko risie ranañ.”

⁸ Mume motecfâcne jañe šinuc âzâcnemiñ: “Qaqazu, Judanj jañe juc bânic moc ira qânâzi

hecguzo mumbiņ, eme ši wemocte jaņerao mocwâc risiezo mukic?”

⁹ Mupie Jesuzi šiņuc jazawec: “Gie bapa damen aua 12 fokac i; Moc e šoaņko hata rahame wiac moczi he âkec mi ecneocmu, e tatamacko wiac sâcne honeocmu.

¹⁰ Moc e ņafeo tatamac basahuc hata rahame ine he âkec ecneocmu.”

¹¹ Iņuc murâ dâņ moc šiņuc šuhuckewec: “Âgo-nâņec Lazaro guņ fokac, eme no rarâ wiwick-epemu.”

¹² Eme motec jaņe šiņuc mumbiņ: “Wofuņ, guņ fohuc bianķeocmu.”

¹³ Jesu e hâmocte dâņ suņsuņne mume jaņe guņ jâmbânte mukac muhuc mi mana-hâmombiņ.

¹⁴ Irec Jesuzi muqâqackerâ jazawec, “Lazaro hâmojec.

¹⁵ No ira mi ra juhape hâmojecte ņoņere erâ bunane bianķekac, ņoņe mamasasiņ fârihec eniņte wiac i fuajec. ši ine erao ranaņ.”

¹⁶ Eme Toma, šâņene moc Didimo, eki motec âgofâcne šiņuc jazawec: “Nâņâc mâmâc rarâ ehec hâmonšepeneņ.”

Jesu e qâqâre â juju rune

¹⁷ Lazaro šâņeruņko fohame šoaņ gie bapa ja-hec â jahec ehame Jesu ra fisiwec.

¹⁸ Betania hae i Jerusalem hae irec rašimicne bembenķo ņewecte

¹⁹ irecnec Judaniċ bocjahazi Mata â Maria qâjekic hâmowecte sonġâņ fâsâc honec-jofazo rambiņ.

²⁰ Eme Mata e Jesu fisikac mupie manarâ Maria ficko ñehame ra hatao bâfuawec.

²¹ Bâfuarâ šinuc âzâcnewec: “Wofuñ, go šira jutec muzac qanane mi hâmozac.

²² Erâ šinuczia gore wâc manakopac, wiac irec me irec Anutu numucnetec mana-gareocmu.”

²³ Eme Jesuzi šinuc âzâcnewec: “Qage qârerâ fahareocmu.”

²⁴ Mume Matazi šinuc muwec: “Juku damen sâkoo qârerâ fahareocmu i manakopac.”

²⁵ Eme Jesuzi šinuc âzâcnewec: “Qâqâre â juju rune no, irec moc e no manasiñnuocmuzi hâmo-bipierâ juocmu,

²⁶ â moc e qâricne juhuc manasiñnuocmuzi hâhâmo tâmiric jurašihuc juocmu sanan. Go dân i mana šakiekomec?”

²⁷ Eme Matazi muwec: “Go Kristo Anuture Nokâzi mârenko wahaocte mukicne hâcne, i mañnanezi mana šakiekopac.”

²⁸ Dân inuc murâ qoticne Maria wiracnerâ sañucko šinuc âzâcnewec: “Qaqazu warejec gore mukac.”

²⁹ Eme Mariazi manarâ izia faharerâ Jesurao rawec.

³⁰ Jesu e hae upeo Mata dân âzâcneweckoa domawec.

³¹ Eme Maria e biac faharerâ rame Judanic songân-te ficticnao ñembin jañe šañerunjo kioocte rakac muhuc bâjâpembin.

³² Eme Maria e hae upeo hurâ Jesu honerâ kikefuñnao fodaperâ šinuc âzâcnewec: “Wofuñ, go šira jutec muzac qanane mi hâmozac.”

³³ Inuc murâ kiome Judanic bâjâpembin jañe e

bafickerâ mâmâc kiombiņ. Kiopie Jesuzi honec-joparâ mana hâtâwehuc gâgâmârâwec.

Lazaro bâqârewec

³⁴ Iņuc erâ wio-jarewec, “Wena duckembien?” Eme jaņe mumbiņ, “Wofuņ ware honec.”

³⁵ Eme Jesu šâņene ruruame šâņeucne wahawec.

³⁶ Eme Judaņic jaņe honerâ mumbiņ, “Honeniņ, maņne ere mo iņucne domawec.”

³⁷ Á gâcnezi mumbiņ, “Tiņtuņ moc šâņene bâtâcneweczi ņic kecši sâcne mi bâpiaņkeme qiđic qazac me?”

³⁸ Eme Jesuzi bune mocwâc hâhâtâwehame šâņeruņko ra fisiwec. Qâņqâņ e qânâ hawecko fowec, motâcne qânâ kâcņenezi âke bâzickekicne.

³⁹ Irec Jesuzi šiņuc muwec: “Qânâ bârârieniņ.” Mume hâmocnere hahac Mata eki muwec: “Wofuņ, šoaņ gie bapa jahec â jahec fowecte âsu fikac.”

⁴⁰ Mume Jesuzi šiņuc âzâcnewec: “Dâņ gazape mi manamec, go manasiņnutec Anutu tâpiriticnere qâreņ fuame honecnu.”

⁴¹ Eme qânâ bârâriepie Jesuzi faic fime fehame šiņuc numuwec: “Mamac, go nunumu-nane manamecte daņe gazakopac.

⁴² Go nunumu-nane dameņ sâc manaekic i manakopac. No mâc ņic ši doma raņgopieņ jaņe goki sorecnutec wahapo i maņjeņiczi mana šakieniņte dâņ iņuc gazakopac.”

⁴³ Iņuc murâ hahaņne bahuc wirawec, “Lazaro go wahac.”

44 Mume hâmokicnezi wahawec. Me kikene qoruczi qâfisekicne â şâne maine qoruczi fonkekicne, irec Jesuzi şinuc jazawec: “Qoruc goronkepie raoc.”

Jesu e hâmoocte mupaŋkembij

(Mat 26: 1-5” Maò 14: 1-2” Luë 22: 1-2)

45 Judanjic Mariarao fisimbij jaŋeraonec bocjahazi Jesu wiac eme honerâ e manasiŋkembij.

46 Gâcnezi ine farisaio ŋic jaŋerao rarâ Jesuzi wiac ewec irec dâŋ binaŋ ejarembij.

47 Eme taha bapa micne â farisaio ŋic jaŋe dâŋ i manarâ micne bapa hefârec-joparâ şinuc mumbij: “Ŋic e mâsi bocjaha bakacte wenac enaŋ?”

48 Nâŋâc qâoma ecnehuc juhapene ŋic jaŋe erao qohota-fârepie Romaŋic jaŋe râsi enârerâ mâreŋ â ŋic nâwoc rofâreniŋmu.”

49 Eme jaŋere âgo moc, şâŋene Kaifa, jara damenŋ ira taha bapa sâko juwec, eki şinuc muwec: “Ŋoŋe maŋ mamasu tâmiric juŋgopienŋ,

50 erâ şinuc wâc mi mananŋopienŋ: Ŋicguru nâŋâc sipiricke-fârenşipenŋte mocjahazi âkehoc-nâpohuc hâmome izi ŋoŋe wâc bafic-ŋopaocmu.”

51 Dâŋ i maŋticnere mi muwec, e jara damenŋ ira taha bapa sâko juwecte fiŋdaŋdâŋ muwec. Jesu e jâmbomac ŋic jaŋere erâ hâmoocte mucnekicne,

52 erâ Judanjic jaŋere sawa mâcne, Anuture naru motecfâc mâreŋ sâc juraŋgopienŋ jaŋe mâmâc bâtumaŋ-jopame suru mocjaha erâ ju-niŋte inuc mucnekicne.

⁵³ Eme micne bapa jaņe šoaņ gie bapa ira hâcne Jesu qaniņte dâņgie fuņkembij.

⁵⁴ Irec Jesu e Judaņic jaņerao mocwâc mi fua tâcnerâ juwec, e mâreņ burocne irec mecqaņeņao hae moc ņewec, Eferaim, ira motecfâcne rocjopame ra jumbij.

⁵⁵ Eme Judaņic aakic hombaņ-jenic bembenkehame hae pitickonec ņic bocjahazi bahac wâwânâņ gie-jeņic baniņte biac bânierâ Jerusalem haeo rambij

⁵⁶ Eme taha ufuņko Jesu basarâ šiuuc muhuc nazaņ gazaņ embij: “Ņoņe weniņuc muņgopieņ, e hombaņte wareocmu me mâcne?”

⁵⁷ Taha bapa micne â farisaio ņic jaņe ine mumupaņ dâņ šiuuc mumbij: “Moc e ņeņe juju-ticne honerâ ware mufua-nâreme kâpâcwâru banšepeneņ.”

12

Maria e Jesu opâ âsu biaņ ruacnewec (Mat 26: 6-13” Maò 14: 3-9)

¹ Aakic hombaņ juwicnao šoaņ gie bapa 6 fo-hame Jesuzi Betania haeo ra fisiwec. E hae ira hâcne Lazaro hâmockonec bâqârewec.

² Eme Jesu tiwâ bâzi rikecnepie Matazi râe bâmoc ejareme Lazarohec mâmâc ņehuc nâmbij.

³ Ņehapie Mariazi kiruņ moc opâ âsu biaņ furi sâko jâmbâņ i rorâ Jesu kikene ruacnerâ qizec susuc-ticnezi bâkereņkewec. Eme fic âsu biaņ fifârewec.

⁴ Eme motec jaņere âgo moc Juda Karioto haeonec docbapa ņic, eki šiuuc muwec:

⁵ “Opâ âsu izi 30 kina kitâcneme ñic hapetac jarepene sâckezac me!”

⁶ E dân i hapetac jañere manasuhuc mi muwec, e moneñ kânoñ wirec-jeñic bajuñuc moneñ hume ro soñsoñ ejujec, irec muwec.

⁷ Eme Jesuzi muwec, “Noñe ñokac dân mi mucneniñ, e opâ âsu i sahac-nane ruacneme hâmope ducnuniñte irec biñe hâcne bajuwec.

⁸ Ñic hapetac dameñ sâc ñoñerao juñuc juñiñmu, no ine ñoñerao boc mi jupemu.”

⁹ Eme Judaniñ bocjaha jañe hae ira jume manarâ ijaha fisimbiñ. Erâ Jesure sawa mâcne, Lazaro hâmockonec bâqârewec e mâmâc honeniñte fisimbiñ.

¹⁰ Eme irec taha bapa micne jañe Lazaro mâmâc qaniñte dângie bambiñ.

¹¹ Judaniñ bocjahazi ere erâ rarâ Jesurao qohotambiñte iñuc embiñ.

Jesu Jerusalem haeo feme ofac hecnembiñ

(Mat 21: 1-11” Maò 11: 1-10” Luë 19: 29-40)

¹² Hae fureme ñic guru sâko hombañte biac Jerusalem haeo fisimbiñ jañe dân biñe šiñuc manambiñ: “Jesu warehuc jukac.”

¹³ Dân i manarâ šariñ bazu amec erâ hatao bâfuaniñte rambiñ. Erâ bâfuarâ ofac hecnehuc šiñuc mumbiñ: “Ohec, Wofuñte michte ware-nârekac e mumbiankenañ, Israe ñicwofuñ ohec!”

¹⁴ Jesu e dongi motecne bâfuacnepie fainao ñehuc rawec. I findañdân kecšiñuc fokac irec sâcko ewec:

¹⁵ “Ziõte otâ, go mi hâwicguoc; manakic, ñicwofuñgezi fakac,

donji motecnere âsio fakac.”

¹⁶ Dâñ i motecfâc-ticne jañe mârâc mi mana-hâmombiñ. Juku Jesu sambâñ tatamac-ticnao risie feme dâñ irec manasurâ šiñuc mana tarambiñ: I ere qâreñkekicnere sâc ijaha ecnembij.

¹⁷ Jesu e Lazaro wiracneme šañeruñkonec wahame honembij ñic guru sâko i jañe gâcne dâñ binañ ejarembij.

¹⁸ Eme mâsi irec biñe manambiñte bocjahazi hatao ra bâfuambiñ hâcne.

¹⁹ Eme farisaio ñic jañe jañackoañ šiñuc muhuc muc manac embij: “Manañgopien. ñoñe dâñgie bâipiehapie ñic mâmâc sasawa erao qohotafâreñgopien ine!”

Jesu hâmome huriri qâreñ-ticne fuaocte mukicne

²⁰ Judañic hombañte Jerusalem haeo fisimbij jañere ñondenko Grikñic qâpuc moc moc mâmâc juhuc Anutu mai ecnembij.

²¹ Eme jañe Filipo Besaida haeonec Galilaia mâreñkonec erao rarâ šiñuc âzâcnembij: “Ñicbomboñ, nâñe Jesu honezo muñgopeneñ.”

²² Mupie Filipozi Anderea âzâcneme mâmâc Jesurao rarâ dâñ i âzâcnepic.

²³ Âzâcnepire šiñuc muwec: “Ñic Fâri Wâtuñne huriri qâreñ-ticne fua tâcneocte šâfo maickekac hâcne.

²⁴ Jâmbomac jâmbâñ ñazape mananiñ, jacgoñ hândâñ e mâreñko mi hurâ mâc foku foocmu, mâreñte nânâ eme ine fârine bocjaha fuaocmu.

25 Moc e juju-ticne âgo ecneme sifuckecneocmu, moc e mâreŋko juhuc juju-ticne râsi ecneme juju sanante biŋe focneocmu.

26 Moc e nore kiŋaŋ qaqa ezo murâ bâjâpecnuzejec, eme no jupemuoa kiŋaŋ qaqa-nanezi juocmu. Moc e no kiŋaŋ qanareocmu, e Mamac-nanezi erickeocmu.

27 Ɔi maŋnane fâfârerâ qarac qarac qakac. Ehame weniŋuc mupemu? `Mamac go dameŋ maicnukac i bâsuec3 iŋuc mupe? Misac, iŋuc aricne, dameŋ i hâcne maicnuocte mukicne.

28 Irec Mamac go mutec šâŋe biŋegere huriri qâreŋ fua tâcnezejec.” Mume sambâŋkonec dâŋ šîŋuc wahawec: “I huriri qâreŋ-ticne fuawec erâ huriri qâreŋ jaha fua raocmu.”

29 Eme ŋicguru domambiŋ jaŋe manarâ mumbiŋ, “Quŋ hejec.” Á gâcnezi mumbiŋ, “Aŋelo moczi dâŋ âzâcnejec.”

30 Mupie Jesuzi micjeŋicko rorâ šîŋuc jazawec: “Dâŋ i nahacnere mâcne ŋoŋere erâ fuajec.

31 Ɔi mâreŋko ââke râwiŋ dameŋ maickekacte mâreŋ šîrec ŋicbomboŋ e hetuŋkezo.

32 Mâreŋkonec bâfeŋnupie mâreŋ sâc ŋic fârec-jopape norao fisiniŋmu.”

33 I hâmoc weniŋucne hâmoocmu irec dâŋ suŋsuŋe iŋuc muwec.

34 Mume ŋicguru domambiŋ jaŋe šîŋuc âzâcnemiŋ: “Nâŋe mitio dâŋ kecšîŋuc manaenġopeneŋ: Kristo e mi hâmoŋuc jurašihuc juocmu. Eme goki wemocte šîŋuc mukic: `Ŋic Fâri Wâtuŋe e bâfeŋneniŋmu'? Ŋic Fâri Wâtuŋe e mo?”

³⁵ Eme Jesuzi dâŋ ŝiŋuc bâtikie-jarewec: “Ŗoctamac e ŋonden-ŋeŋicko damen bembene mac tamaeocmu. Irec dapâczi foŋŋopazacte ŝoctamac foŋarehame e maickerâ junŝepieŋ. Moc e dapâcko rahuc hata mi hone taraocmu.

³⁶ Irec ŝoctamac foŋarehame maŋzi sakarehuc kikefunfâc-ticne enŝepieŋ.” Jesu e dâŋ iŋuc murâ ra soŋsoŋko juwec.

Judaŋic maŋsanaŋ-jeŋicte miti qikiŋnemiŋ

³⁷ Jesu e mâsi fuŋe fuŋe ŝâŋe fai-jeŋicko bame hone-bipiehuc sifu erao mi roweckemiŋ.

³⁸ I porofete Jesajare dâŋ sanaŋkeocte iŋuc embiŋ. E dâŋ ŝiŋuc qârenkewec:

“Wofuŋ, biŋedâŋge mupene mozi mana ŝakieekac?

Á Wofuŋte me i morao fua taniŋkeekac?”

³⁹ Erâ Jesure dâŋ mi mana ŝakiemiŋ i Jesajare dâŋqâreŋ moc fokacte embiŋ ine kecŝiŋuc:

⁴⁰ “E ŝâŋe-jeŋic tiŋtuŋ barâ maŋjeŋic bâzickewec, jaŋe ŝâŋezi wiac hone taranŝipiŋte,

â maŋzi wiac mana taranŝipiŋte, ehuc maŋjeŋic bârisiepie bâpiaŋ-jopazipore.”

⁴¹ Jesaja dâŋ muwec, i Jesu sambâŋ tatamac-ticne honerâ muwec.

⁴² Eme micne bapa jaŋeraonec gâcne jaŋe Jesu manasiŋkemiŋ wâc. Erâ mufuapie farisaio jaŋe miti sakare-jarenŝipiŋte hâwic-jopame hesoŋkemiŋ.

⁴³ Jaŋe ŝâŋe biŋe-jeŋic ŋic jaŋerao waha qaŋane ezacte manapie ŋemâckewec, â Anuturao waha qaŋane ezacte manapie afeckewec.

Jesure dân manahuc Mamac-ticnere dân man-azo

⁴⁴ Jesu e hahanje bahuc dân šinuc muwec: “Moc e no manasiñnuocmu, e no sawa mâcne, sorecnuwec e mâmâc manasiñkeocmu.

⁴⁵ Á moc e no honecnuocmuzi sorecnuwec e mâmâc honeocmu.

⁴⁶ No šoc tatamaczi mârenko wahapo, eme moc e no manasiñnuocmuzi dapâckonec wefuocmu.

⁴⁷ Moc e dânñane manarâ beheme okacne mi râcnepemu, no ñic okacne jarepemurâ mâcne, bâpiañ-jopapemurâ wahapo.

⁴⁸ Moc e no qikiñnuhuc dânñane beheocmu, e mumutara fuacneocmu, dân muekopac izi juku damenj sâkoo mumutara ecneocmu.

⁴⁹ No dân i no nahacne manje mi muekopac, Mamac sorecnuwec e jahac dân mufuapemurâ sâcmutâc enarewec.

⁵⁰ Erâ no manakopac, micdân-ticnezi juju sanaj bâfuaekac. Dân muekopac i Mamaczi mutâcne-narewec sâc muekopac.”

13

Jesuzi motecfâcne kike šure-jarewec

¹ Aakic hombanj maickehame Jesuzi e jahacnere šinuc manawec: No mârenj beherâ Mactao risie fepemurâ damenj bembenjekac. Inuc manarâ mârenko wiacfâc-ticne manjaun ejarewec, i ejare tarahuc hâmoocne muwec.

² Eme ñafere nânâ nâniñte tumañnehapie wiac kecšinuc fuawec: Simonj ñokâ-ticne Juda, Karioto haeonec, e Jesu doc baocte Satanzi manjticnao qafenj râewec.

³ Á Jesu e šijuc manawec: Mamac e wiac sawa furu qârârie-narekac, eme no Anuturaonec wahapozi mocwâc Anuturao risie fepemu.

⁴ Fuņne iņuc manahuc nânâ nâhuc ņembiņkonec faharerâ ņaqi šora faine i hetararâ gie qoruc jomawec.

⁵ Erâ opâ râqâcko qame hume fuņkerâ motecfâcne kike šure-jarewec. Ehuc gie qoruczi bâkerenķe-jarewec.

⁶ Ejare raku Simon Petorora fisime šijuc âzâcnewec: “Go Wofuņzi kike-nane šurezo mukic me?”

⁷ Mume Jesuzi šijuc âzâcnewec: “Wiac ekopac irec fuņne šijuczia mi manakomec, juku šâhecko manacmu.”

⁸ Eme Petorozi šijuc muwec: “Aricne, go kike-nane mi šure-jâmbânķecmu.” Mume Jesuzi šijuc âzâcnewec: “Noni mi šurecgupe nohec maņ šušuhuc mi jucmu.”

⁹ Eme Petorozi šijuc muwec: “Wofuņ, murâ kike-nane sawa mâcne, me qizec-nane mâmâc šurec.”

¹⁰ Mume Jesuzi šijuc âzâcnewec: “Moc e opâ ruarâ šâhec kike-ticne sawa šureme sahacne qaqacne fofâreocmu, eme ņoņe iņuc jaha qaqackembiņ, erâ qaqacnea mi jufâreņgopieņ.”

¹¹ E doc bapa-ticne mana tarahuc šijuc jazawec: “ņoņe qaqacnea mi jufâreņgopieņ.”

Kike šušurere fuņne jazawec

¹² Kike-jeņic šure-fârerâ ņaqi šora-ticne mocwâc heme hume waha ņehuc šijuc jazawec: “No wiac eņarepac irec fuņne manañgopieņ me?”

13 Nõje Qaqazu â Wofuñ munareñgopieñ, erâ injeñic jukopacte sâcne munareñgopieñ.

14 Eme no Wofuñ â Qaqazu-ñeñiczi kike-ñeñic šure-ñarepacte ñañaczia inuc jaha kike šušurec erahuc jupie sâckezejec.

15 Mâsi eñarepac izi juju bapare ma qâreñ-ñeñic eme i honehuc, eñarepac irec sâc ehuc junšepieñ.

16 No jâmbomac jâmbâñ mupe mananiñ: Kiñañ moteczi bomboñ-ticnere sâc sirickerâ jujune i mi fokac, â sorekicnezi sorewec ere sâc sirickerâ jujune i wâc mi fokac.

17 Eme dâñ i manapañkerâ irec sâcko jupie no ñoñere manape šerine eocmu.

18 No dâñ mupe mâmâc sasawa mi rocñopakac. No wenimoi rowosâec-ñopapo i manakopac. Dâñqâreñ moc kecšinuc fokac, i sanañkeocmu hâcne: Nânâ bâfâuc ecneekopac eki wâc bunaneo bakac.

19 Wiac i mi fuahame qanañ ñazakopac, eme šâhec fuame, e Wofuñzi qanañ manahuc muwec, nore inuc munšepieñ.

20 No jâmbomac jâmbâñ ñazape, moc e gie muñarekicne ñoñe hezu hewâneñ eñareocmuzi gie rune no hezu hewâneñ enareocmu, â moc e no enareocmuzi sorecnuwec e hezu hewâneñ ecneocmu.”

Jesuzi Juda mutaniñkewec

(Mat 26: 21-25” Maò 14: 18-21” Luë 22: 21-23)

21 Jesu e dâñ inuc murâ bu šašamañne fâuckezo eme mutaniñkerâ šinuc jazawec: “No jâmbomac

jâmbân mupe mananiņ, ńońeraonec moczi no doc bacnuocmu.”

²² Inuc mume motec jańe hohonec efârerâ, i more mukac, muhuc kâuc bambiņ.

²³ Eme motec moc Jesure mańfuńko ńewec, e bufuń jâmbân-ticne,

²⁴ e hâcne Simoń Petozi mezi sâsâc ecnerâ muwec, “Wiocnetec gazaoc, more mukac?”

²⁵ Eme motec eki hâcne qizec-ticne Jesure ameccko fohorerâ muwec, “Wofuń go more mukic?”

²⁶ Eme Jesuzi muwec, “Poroń sicko âke uruckerâ râcnepe nâocmu ere hâcne mukopac.” Inuc murâ poroń sicko âke uruckerâ Simoń ńokâ-ticne Juda, Karioto haeonec, e râcneme nâwec.

²⁷ Nâme Satañzi mańne sakiońkewec. Eme Jesuzi Ńińuc âzâcnewec: “Wiac ezo mukomec, i biac jaha ezemec.”

²⁸ Dâń inuc âzâcneme gâcne mâmâc ńembińzi mi mana-hâmombiņ.

²⁹ Ehuc tucnezi Ńińuc mumbiņ: “Juda e moner kânoń wirec-nâńec bajukacte hombańte wiac moc furine baocce sorekac, me ńic hapetac moner jareocce mukac.”

³⁰ Eme Juda e poroń nârâ izia ńafe fuaha rawec.

Jesu e huriri qâreń-ticnere muwec

³¹ Juda rame Jesuzi motec gâcne Ńińuc jazawec: “Ńi ńic Fâri Wâtuńne e huriri qâreń-ticne fuakac, eme ere erâ Anuture huriri qâreń mâmâc fuakac.

³² ńic Fâri Wâtuńnezi Anuture huriri qâreń bâfuawecte Anutu e jahac ńic Fâri Wâtuńne ere

huriri qâreŋ iŋuc jaha bâfuaocmu, damerŋ mi ŝorahame biac bâfuaocmu.

³³ Motecfâc-nane, no damerŋ bemberŋe mac moc ŋoŋehac jupemu. Eme ŝâhec basacnuniŋmu. Eme Judaŋic jazapo ijaha ŋoŋe ŋazape: No rapemu ijaha sâcne mi fâniŋmu.

³⁴ Eme ŝi sâcmutâc dâŋ qâricne ŋazape: Manjaurŋ eec enŝepieŋ, noni manjaurŋ eŋare warehuc jupo iŋuc jaha ŋaŋackoaŋ manjaurŋ eec enŝepieŋ.

³⁵ Manjaurŋ eec epie ŋic jaŋe honec-ŋopapie motecfâc-nane juŋgopieŋ ezejec.”

Jesuzi Petoro findaŋdâŋ âzâcnewec

(Mat 16: 33-35” Maò 14: 29-31” Luë 22: 31-34)

³⁶ Eme Simonŋ Petorozi wiocnerâ muwec, “Wofuŋ, go wena racmu?” Eme Jesuzi muwec, “No rapemu ijaha ŝiŋuczia sâcne mi fâcmu, juku ŝâhec ine fâzemec.”

³⁷ Eme Petorozi ŝiŋuc muwec: “Wofuŋ, no wemocte ŝiŋuczia sâcne mi fâpemu? No gore erâ juju-nane sâcne qikiŋnepemu.”

³⁸ Mume Jesuzi ŝiŋuc âzâcnewec: “Go nore erâ jujuŋe qikiŋnezo mukomec me? No jâmbomac jâmbâŋ gazape: Qâqâczi mi dâŋehame goki jahec â moc mic bacnucmu.

14

Mâmâzoc dâŋ: 1. Neŋe-nâŋec hewâneŋkeekac

¹ “Ŋoŋe fâfârerâ maŋŋeŋic mi gâckezejec. Anutu manasiŋkehuc no mâmâc manasiŋnunŝepieŋ.

² Mamac-nanere hae qizecko fic bocjaha ñerakac. Injuc mi fome muzac, ñeñe hewânenjke-ñarezo rapemu, i moc ñazazapo me?

³ Eme ra ñeñe hewânenjke-ñarerâ mocwâc risie warerâ jowac-ñopape rarâ no jupemuoa junšepienj.

⁴ Rapemu hata i honeñgopienj.”

⁵ Mume Tomazi šinjuc âzâcnewec: “Go wena racmu, i nâñe mi manañgopenenj, irec wemocko hata honenanjmu.”

⁶ Eme Jesuzi šinjuc âzâcnewec: “Hata â dâñ fâri qizec â juju irec rune no. No nowarurâ Mamactao fifisi i mi fokac.

⁷ Ñoñe juwicnao no šâñitacnurâ muzac Mamac-nane injuc jaha šâñitanšapiñ. Zi ine Mamac-nane šâñitarâ mana tarañgopienj.”

⁸ Injuc mume Filipozi šinjuc muwec: “Go Mamac nâwotutec honerâ manapene taraocmu.”

⁹ Eme Jesuzi muwec: “Filipo, no damenj šora ñoñehc juhape go mi hone tarac-nukomec? Moc e no honecnuekaczi Mamac honeekac. Eme go wemocte šinjuc mukomec: `Go Mamac nâwotutec honenanj'?

¹⁰ Mamaczi no mañnuekac â noni Mamac mañkeekopac i mi mana šakiekic me? Dâñ ñazaekopac i nahacne mañte mi ñazaekopac, Mamaczi nore mañko juhuc gie-ticne baekac.

¹¹ Mamaczi no mañnuekac â noni Mamac mañkeekopac, dâñ i manapie fârine ezejec. Me miczi mupe mi sâcñopakacko wiac bapa-nanere erâ dâñ i mana šakieninj.

2. Neñgoc ñesinj moc wahaocte muwec

12 “No jâmbomac jâmbân̄ mupe mananī: No manasīnuocmuzi gie baekopac ijaha baocmu. Erâ i sawa mâcne, sâcnane jâuruhuc baocmu. No Mamactao fepemure īuc hâcne fuaocmu.

13 Eme ñoñe nore šâñe bajuhuc numupie sâc mana-ñarehuc epemu. I Mamacte mumuten̄ Ñokâre erâ fuaocte īuc epemu.

14 Žâñe-nane bajuhuc numu-narepie mana-ñarehuc epemu.

15 Maññeñic nore qikiñneengopien̄ko micnane ren̄kenīmu.

16 Eme noni Mamac numucnepe nen̄goc ñesiñ-ñeñic moc soreme waharâ ñoñehuc juhuc juocmu san̄.

17 Dâñ fâri qizecnere Mâro hâcne. I miti tâmiriczi rorone mi fokac. Jañe e mi hone taraengopien̄ â e mi mana taraengopien̄. E ñoñehuc juekaczi maññeñicko hurâ juocmu, irec ñoñe e kâuc mi baengopien̄.

18 No behec-ñopape bekâ mâsiñ erâ mi juniñmu. No ñoñerao risie warepemu.

19 Dameñ bemben̄ne mac moc fokac, i tarame miti tâmiriczi mocwâc mi honecnuniñmu. Ñoñe ine honecnuniñmu. No juju san̄ jukopac, irec ñoñe īuc jaha qâricne juraniñmu.

20 Dameñ ira, Mamaczi no maññuekac â noni ñoñe maññopaekopac, â ñoñe no maññuen̄gopien̄ i mana taraniñmu.

3. *Jesuhec mañmañ ezo*

21 “Moc e micdân̄-nane bajuhuc sâseocmu, eki mañjaun̄ enareocmu. Eme moc e no mañjaun̄ enareme Mamac-nanezi e īuc jaha mañjaun̄

ecneocmu, â no nahac wâc manjaun ecnehuc fune-nane mutaniņkecnepemu.”

²² Inuc mume Juda Karioto haeonec ere wasezi wiocnerâ muwec: “Wofun, go weninuc erâ funege nânerao sawa bataniņkehuc ñic gâcne sâko jaņe hesoņke-jarezo mukic?”

²³ Mume Jesuzi dâņ šinuc bătikiecnawec: “Moc e manjaun enareocmuzi dâņnane mana rereņ eocmu. Eme Mamac-nanezi e inuc jaha manjaun ecneocmu. Eme nâhe mâmâc erao fisirâ ñeņe juju enacmu.

²⁴ Moc e manjaun mi enareocmuzi dâņnane wemocko mana rereņ eocmu. Erâ dâņ ñazaekopac i no nahacnaonec mâcne, i Mamac sorecnuwec eraonec.

4. Jesuzi wama fârine nâreekac

²⁵ “No nahac ñoņehc juhuc dâņ inucne ñaza qazuc eekopac.

²⁶ Eme neņgoc ñesiņ Tiri Mâro hâcne e Mamaczi nore michte soreme waharâ dâņ sasawa ñaza qazuc eņareocmu, â noni ñazaekopac i heqâre-ñare-fâreocmu.

²⁷ No merâfâc-nane wama ñarekopac, ñic wama mâcne, no nahacne wama jâmbâņ ñarekopac. Irec manņeņic mi fâfârerâ gâckezejec.

²⁸ No kecšinuc ñazape manambieņ: `No rarâ juku ñoņerao mocwâc risiepemu. Ž Ñoņe manņeņic nore qikiņnerâ muzac, ine Mamactao fepemu i manarâ bubiaņ bâfuanšapiņ. Mamac e nore femicne jukacte manasuhuc inuc enšapiņ.

²⁹ Ži fârine mi fuaha qanaņ ñazakopac, irec fuame honerâ mamasaniņ-ņeņic sanaņkezejec.

³⁰ No ši dâņ bocjaha mi šuhuckerâ ŋazapemu. Mâreņ širec ŋicbomboņ wareocte šawiekac, warerâ norao hetakireocmu.

³¹ Eme Mamac maņjauņ ecnehuc gie munarewec baekopac i miti tâmiriczi hone taraniņte faharepie ranaņ.

15

Jesu e waiņ jâcne, nâņâc tienfâcne

¹ “No waiņjâc fuņqizecne jâmbâņ, â Mamac-nanezi waiņ gie rune.

² Tienņe moc norao foipiehuc fârinehec mi eme qâtâcne behec eocmu, â tienņe moc fârinehec fome gie bacneme soka bian eocte soņaņkeocmu.

³ Ņoņe ine miti ŋazape manahuc biac qaqačkembiņ juņgopieņ hâcne.

⁴ Eme ŋoņe no maņņupie noni ŋoņe iņuc jaha maņņopapemu. Waiņ tienņezi jâcnehec šušuhuc mi fohuc e jahackoaņ sawa fârinehec mi eocmu. Eme ŋoņe iņuc jaha no mi maņņuhuc wemocko fârinehec eniņmu.

⁵ Waiņjâc fuņqizecne no, tien taenņe ŋoņe. Moc e no maņņuhame noni e maņkepemu, eme iņucnezi fârine sâkohec eocmu. Ņoņe no tâmiric juhuc wiac eene i mi fokac.

⁶ Moc e no mi maņņume e behezo, eme waiņ tienņe behemie qaņame qâzuckerâ behemie šocko šaekac, sâc ijaha ecnezo.

⁷ Ņoņe no maņņuhuc dâņnane maņkeniņmu, eme wiac irec me irec numupie fua-ņareocmu.

8 Nõje fârine sâkohec ehuc motec jâmbânjâcnane erâ jupie Mamac-nanere mumutenj fuaocmu.

Manjaun eec ezo

9 “Mamaczi no manjaun enareekac, injuc jaha noni nõje manjaun enareekopac. Eme nõje nore manjaunjoa junšepienj.

10 Micdân-nane renkehuc ine nore manjaunjo juniñmu, no injuc jaha Mamac-nanere micdân renkehuc ere manjaunjo juekopac.

11 Nore bubianzi nõjerao fotâcneme nõjerezi fufusuc foocte dân ši naza-fârekopac. Erâ nõjerao fohuc fua sawec ezejec.

12 Micdân-nane kecšinuc nżakopac: Noni manjaun enareekopac, injuc jaha nânaczia manjaun eec enšepienj.

13 Moc e âgofâcne janere riñ rohuc juju-ticne qaisockeocmu, irec manjaun fekicne sâko muzo.

14 Gie muñareekopac i bapie honec-ñopape âgofâc-nane eniñmu.

15 No damenj ši kiñan qaqa mocwâc mi muñareekopac, mana-ñarepe âgofâc-nane enjopienj. Kiñan qaqazi bomboñ-ticnere manjo dân foekac i mi manaekac. Noni ine Mamac-naneraonec dân manapo sâc mufuarâ naza-fârepore honec-ñopape âgofâc-nane enjopienj.

16 nõje no mi rowosâecnumbiñ, noni nõje rowosâec-ñopapo, erâ ra juhuc fârine bâfuaniñte muñarepo. Eme fârine bâfuapie fofonehec ezejec. Injuc erâ nore šânje bajuhuc Mamac numucnepie sâc ñareocmu.

17 Mañjaun eec enšepieŋ, micdâŋ ine hâcne ŋazakopac.

Jesu qaisockembiŋte motecfâcne qaisoc-jopanijmu

18 “Miti tâmiriczi qaisoc-ŋopapie šinuc munšepieŋ: `Wofuŋ e mârâcko inuc hâcne fuŋkerâ qaisockembiŋ. Ž

19 Miti tâmiric jaŋere guruo rašipie muzac âgo eŋarenšapiŋ. No ine jaŋere guruonec rowosâec-ŋopape eebapa-jeŋic râpeckembiŋte qaisoc-ŋopaenŋopieŋ.

20 No dâŋ moc kecšinuc ŋazapo irec manasunšepieŋ: Kiŋaŋ qaŋazi bomboŋ-ticnere sâc sirickerâ jujune mi fokac. Jaŋe no râsi enarembiŋko ŋoŋe râsi jaha eŋareniŋmu, jaŋe nore dâŋ mana maŋ embiŋko ŋoŋere dâŋ inuc jaha mana maŋ eniŋmu.

21 Sorecnuwec e mi šâŋitaenŋopieŋte nore erâ inuc hâcne eŋareniŋmu.

22 No jaŋerao mi waharâ fuŋne mi jazape muzac kiŋ tâmiric junšapiŋ. ši ine kiŋjeŋic wemocko murârâŋneniŋmu.

23 Moc e no qaisocnuekaczi Mamac-nane inuc jaha qaisockeekac.

24 No ŋondeŋ-ŋeŋicko mâsi sâko, ŋiczi mi bapane, i mi bazapo muzac kiŋ tâmiric junšapiŋ. ši ine bape hone-fâre-bipiehuc no qaisocnuhuc Mamac-nane inuc jaha qaisockeenŋopieŋ.

25 Inuc epie mitio dâŋ moc kecšinuc fokac, i sanankekac hâcne: `Jaŋe oma jâmbâŋ qaisocnumbiŋ. Ž

²⁶ Neŋgoc ŋesiŋ, dân fâri qizecnere Mâro hâcne, Mamactao jukac, e sorepe Mamactaonec waharâ fuŋne-nane mutaniŋkeocmu.

²⁷ Erâ ŋoŋe gie fuŋkepoonec nohec juwarembiŋte iŋuc jaha fuŋne-nane mutaniŋkenšepieŋ.

16

Motec jaŋe šika kiniŋmu

¹ “Juku wiac eŋarepie manapie ririsi ezacte dân i qanaŋ ŋazakopac.

² Jaŋe mitific sakare-ŋareniŋmu. Erâ wâc dameŋ moc maickeocmu, ira Anuture gie baŋgopeneŋ muhuc qâhâmoc-ŋopaniŋmu.

³ Jaŋe Mamac mecne no mecne mi šâŋitac-nâfoeŋgopieŋte iŋuc eniŋmu.

⁴ No dân qanaŋ ŋazakopac, i sanaŋkeme munšepieŋ: Eki mârâc jaha nâzâwec hâcne. Dân i dameŋ-nane šoricne fohame mârâc biac mi ŋazapo.

Mâro e fuŋne babataniŋ

⁵ “Ťi ine sorecnuwec erao fezo ehape ŋoŋeraonec moczi moc šiuŋuc mi wio-narekac: `Go wena racmu? Ť

⁶ Dân iŋucne ŋazakopacte mâc busâqoczi maŋŋeŋic fusucmakac.

⁷ No dân jâmbomac mupe mananiŋ: Risie fepemu i ŋoŋerao fârine fuaocfe fepemu. Mi fezapu muzac, neŋgoc ŋesiŋzi mi wahazac. Ferâ ine sorepe wahaocmu.

⁸ Waharâ ŋic fuŋne bataniŋke-jareme šiuŋuc mananiŋmu: Kiŋ fokac â tiŋke bianŋ fokac â okacne dân mumutara fokac.

9 Kiŋte fuŋne ŝiŋucko mananiŋmu: Jaŋe no mi manasiŋnueŋgopieŋ.

10 Tiŋke bianŋte fuŋne ŝiŋucko mananiŋmu: No Mamactao risie fepe mocwâc mi honecnuniŋmu.

11 Okacne dân mumutara irec fuŋne ŝiŋucko mananiŋmu: Mâreŋ ŝirec ŋicbomboŋ okacne dân biac mutaracnekicne.

Mâro e jojowa-nâŋec

12 “Dâŋ ŋaŋazane bocjaha fokac, erâ dameŋ ŝiŋuczia ŋazape wemocko amecke-fâreniŋmu.

13 Dâŋ fâri qizecnere Mâro eki ine waharâ dân fâri qizecnere ŝâkâŋko bâutuc-ŋopaocmu. E jahacne maŋte dân mi ŋazaocmu, mutâcnecekicne sâc ŋazaocmu, erâ juku wiac fuaocmu i wâc mufua-ŋareocmu.

14 Dâŋ i no nahacne rowaŋkonec rorâ mujaŋgeŋke-ŋareme nore huriri qâreŋ fuaocmu.

15 Mamactao wiac fokac Irec rune no. Irec hâcne mupac, `Nore rowaŋkonec rorâ mujaŋgeŋke-ŋareocmu.'

Jesu e rarâ wâc risie wareocmu

16 “Dameŋ bembene fokac, i tarame rape basacnuniŋmu. Erâ irec faicnao dameŋ bembene jaha wâc fokac, i tarame warepe honecnuniŋmu.”

17 Iŋuc mume motec jaŋe nazaŋ gazaŋ erâ ŝiŋuc mumbiŋ: “Weniŋucte dân kecŝiŋuc mukac? `Dameŋ bembene fokac, i tarame rape basacnuniŋmu, erâ irec faicnao dameŋ bembene jaha wâc fokac, i tarame warepe honecnuniŋmu. Ž Á moc ŝiŋuc mukac: `Mamactao fepemu. Ž ”

18 Injuc murâ harierâ mumbiņ: `à `Damenj bembenje fokac,3 injuc wemocte mukac, nâņe kâuc banġopenej.”

19 Wiocnezo epie Jesuzi hone tarac-joparâ šiņuc jazawec: “Dâņ kecšiņuc ŋazapacte muc manac enġopien, `Damenj bembenje fokac, i tarame rape basacnuniņmu, erâ irec faicnao damenj bembenje fokac, i tarame warepe honecnuniņmu.
Ž

20 No jâmbomac jâmbâņ ŋazape: Ŋoņe ki mamakuc ehapie miti tâmiriczi šeri eniņmu. Ŋoņe busâqocko juniņmu, ehame busâqoc-ņeņiczi ŋerisieme bubiaņ fuaocmu.

21 Ŋokac moc e motec roocte dameņne maickeme šâic manaocmu. Izi motec rome šâic omaeme, qâric fuajec irec bubiaņ manaocmu.

22 Eme ŋoņe injuc jaha damenj šiņuczia bušâichec juniņmu. Juhapie mocwâc risierâ honec-ņopape bubiaņ bâfuaniņmu. Eme bubiaņ i moczi mi qâsua-ņareocmu.

23 Eme damenj ira wiac mocte mi kâuc barâ wionareniniņmu. No jâmbomac jâmbâņ ŋazape: Ŋoņe Mamac wiac mocte numucnepie šâņe-nanere erâ ŋareocmu.

24 Juwarembiņ ira nore šâņe bajuhuc mi numu jumbienj. ši ine numurâ ropie bubiaņ-ņeņiczi fua sawec erâ fufuse fozejec.

Jesure šâņe bajuhuc numuzo

25 “Dâņ ŋaza warehuc jupo i suņsuņne qahuc ŋazapo. Juku damenj moc maickeocmu ira ine dâņ suņsuņne mi muhuc, Mamacte fuņne mâc mutaniņkerâ ŋazapemu.

²⁶ Damerŋ ira šâŋe-nane bajuhuc numupie noni ŋoŋe bâsâoc-ŋopahuc Mamac ââzâcne i mi epemu.

²⁷ No Mamactaonec wahapo, dâŋ i mana šakiehuc manjauŋ enareŋgopiente Mamac e jahac wâc iŋuc jaha manjauŋ enareekac.

²⁸ No Mamac beherâ mâreŋko wahapo, eme ši mâreŋ beherâ Mamactao mocwâc fekopac.”

²⁹ Iŋuc mume motec jaŋe šiŋuc âzâcnembiŋ: “Ťi dâŋ suŋsuŋne mi muhuc mâc mutaniŋkerâ nâzâkomec hâcne.

³⁰ Irec gore šiŋuc mananŋopeneŋ: Nŋic jaŋe mu wioc mi egarehapie go gahaczia wiac sasawa mana-fâreekiç, go Anuturaonec wahamerŋ i mana šakieeŋopeneŋ.”

³¹ Mupie Jesuzi šiŋuc jazawec: “Nŋoŋe miŋecne mana šakieŋgopieŋ me?

³² Damerŋ moc fokac, i biac maickeme no behecnurâ siŋsaŋ qarâ ficŋeŋic sâc rafâreneŋmu. Erâ behecnupe buç mi jupemu, Mamaczi nohec jukacte buç jâmbân mi jupemu.

³³ Nore wamazi ŋoŋerao foocte dâŋ iŋucne ŋazakopac. Nŋoŋe mâreŋko šârâ hârîŋ faio juenŋopieŋ, eme noni mâreŋte micne momori fozukopacte ŋoŋe hâbi-ŋeŋicheç junšepieŋ.”

17

Mâmâzoc nunumu: 1. Jesu e jahacnere numuwec

¹ Jesu e dâŋ i mutararâ sambânko fime feha šiŋuc muhuc numuwec: “Mamac, damerŋ maickekac. Go Nŋokâgere huriri qâreŋ bâfuathec Nŋokâzi iŋuc jaha gore huriri qâreŋ bâfuazejec.

² Go e mâreᅇ sâc ᅇic jaᅇere rusâko râemeᅇ, ehuc ᅇic erao ᅇec-jopameᅇ sâc jaᅇe juju sanaj bâfua-jareocte mucnemeᅇ.

³ Juju sanajᅇe fuᅇne ine Ńiᅇuc fokac: Go Anutu fârine mocjaha â soremeᅇ, Jesu Kristo hâcne, ᅇic jaᅇe iᅇuc mana tarac-nâfopie juju sanaj fua-jareocmu.

⁴ Gie munaremeᅇ i baku batarape mâreᅇko huriri qâreᅇge fuakac.

⁵ O Mamac, mâreᅇ mi fuahame gohec sambâᅇ tatamac-nanehec jupo, ijaha Ńi mocwâc bârisie-naretec rojuzepac.

2. Motec jaᅇere numuwec

⁶ “Guru sâkoonec ᅇic nore bâwosâec-jopameᅇ jaᅇe biᅇedâᅇge mujaᅇgeᅇke-jarepo. I gore biᅇe juhapie nore qikiᅇ-jopameᅇ, eme jaᅇe gore dâᅇ ropie maᅇjeᅇic ewec.

⁷ Wiac fonarekac i goraonec sasawa, jaᅇe i mana taraᅇgopieᅇ.

⁸ Go dâᅇ naremeᅇ i jarepe ro sakarec embiᅇ. Ehuc goraonec wahapo i manapaᅇkemiᅇ, â go gahac gie munaremeᅇ i mana Ńakiemiᅇ.

⁹ “No jaᅇere erâ numu-garekopac. Miti tâmiric jaᅇere erâ mi numu-garekopac, naremeᅇ jaᅇere sawa erâ numu-garekopac, jaᅇe gore biᅇe hâcne.

¹⁰ Nore biᅇezi gore biᅇe â gore biᅇezi nore biᅇe. Eme maᅇjeᅇicko huriri qâreᅇ-nane fuawec fokac.

¹¹ No mâreᅇko juju-nane tarakac, jaᅇe ine mâreᅇko Ńuhuckerâ juhapie no gorao fâzo ekopac. Tiri Mamac, biᅇedâᅇge naretec jazapo, eme go hemiriᅇ-jopatec dâᅇ irec maᅇnao juᅇŃepieᅇ. Eme

nâhac maŋ mocjaha juekoperec, iŋuc jaha jaŋe maŋ mocjaha junšepieŋ.

¹² Jaŋehec jupo sâc biŋedânge naremeŋ izi hemiriŋ-jopape irec maŋnao jumbiŋ. Ehuc soŋaŋ-jopape moc mi sifuckembiŋ. Dâŋqâreŋ sanaŋkeocte hârâcte biŋe mocjahazi sipirickewec.

¹³ Zi gorao fâzo ehuc šira mâreŋko dâŋ iŋuc gazape nore bubiaŋzi jaŋerao fotâcnerâ qârâŋkeme bajunšepieŋ.

¹⁴ No dâŋge jarepe bajupie mâreŋte biŋe jaŋe qaisoc-jopaengopieŋ. No nahac mâreŋte biŋe mi juekopac, iŋuc jaha jaŋe mâreŋte biŋe mi juengopieŋte iŋuc hâcne ejareengopieŋ.

¹⁵ Go mâreŋkonec rocjopacmurâ mâcne, sâqocnere ŋezic-jopacmurâ gazakopac.

¹⁶ No gâtâ-nane mâreŋko mi bawec, iŋuc jaha jaŋe gâtâ-jeŋic mâreŋko mi bawec.

¹⁷ Gore dâŋ fâri qizecnezi maŋjeŋic furu batec fozejec. Gore mitizi dâŋ fâri qizecne hâcne.

¹⁸ Goki no mâreŋko gie munaremeŋ, iŋuc jaha noni jaŋe mâreŋko gie mujarepo.

¹⁹ Jaŋe dâŋ fâri qizecnezi maŋjeŋic furu bame juniŋte no nahac wâc jaŋere erâ maŋsahac-nane bâtirirâ râekopac.

3. Miti mamana nâŋâcnere numuwec

²⁰ “Erâ no jaŋere sawa mi numu-garekopac, miti jazapie manasiŋnuniŋmu jaŋere mâmâc numu-garekopac.

²¹ Jaŋe maŋwirec erâ juniŋte gazakopac. Mac, go no maŋnuekic â noni go maŋguekopac, iŋuc jaha jaŋe nâhac maŋnâfonšepieŋ. Iŋuc epie

miti tâmiric jaņe gahac sorecnutec wahapo i manapankenšepieņ.

²² Nâhâc maņ mocjaha juekoperec, iņuc jaha jaņe maņ mocjaha erâ junšepieņ. Iņuc juniņte hâcne huriri qâreņ naremeņ ijaha jarepo.

²³ No maņjopahape go maņnutec jaņe maņzi šâšâfic ehuc hâcbuc erâ junšepieņ. Iņuc jupie miti tâmiriczi goki sorecnutec wahapo i mana šakienšepieņ, â no maņzi šâficnuhuc jaņe mâmâc šâfic-jopaekic, i wâc manapankenšepieņ.

²⁴ Mamac, naremeņ ņic i jaņe no jupemuoa juniņte mukopac. Eme mâreņ hobeteņne mi fua-hame maņjauņ enarehuc sambâņ tatamac tahac-numeņ, i hâcne nohec juhuc hone aņac enšepieņ.

²⁵ Mamac, tiņne rune, ņic jaņe mi mana taracgumbiņ, noni ine mana taracguekopac, erâ kikefunfâc-nane jaņe gahac sorecnutec wahapo i manapankeenņopieņ.

²⁶ No biņedâņge mutaniņke-jarepo erâ mutaniņke-jarehuc jupemu. Eme maņjauņ no enaremeņ ijaha jaņerao fome maņjopahuc jupemu.”

18

Jesu Gezemane jufuo juhame rombiņ

(Mat 26: 47-58” Maò 14: 43-50, 53-54” Luë 22: 47-54)

¹ Jesu e nunumu dâņ i muku mufârerâ motecfâcne rocjopame haeonec hurâ Kidoroņ opâ herâ, mâreņ mocko jufu gie fowec, ira rambiņ.

² Jesu â motecfâcne ira gâbâ tumaŋne jumbiente Juda dočbapa ŋic e jufu i honewec wâc.

³ Eme ira hâcne juhapie Judazi kiaraonec momori erâ taha bapa micne â farisaio ŋic jaŋeraonec motec rocjopame waha lambe â šika barâ rambiŋ.

⁴ Eme Jesu e wiac ecneniŋmu i mana-fârehuc jufu tofanao ra bâfuac-joparâ wio-jarewec: “Ŋoŋe mo basanŋopieŋ?”

⁵ Eme jaŋe mumbiŋ, “Jesu Nazarete rune.” Mupie muwec, “No hâcne ši.” Ehame Juda dočbapa ŋic e ŋondenŋ-jeŋicko domawec.

⁶ Eme “no hâcne ši” Jesuzi iŋuc jazame jaŋe rârâpe rahuc rândiŋke qambiŋ.

⁷ Iŋuc epie hâsine wio-jarerâ muwec: “ŋoŋe mo basanŋopieŋ?” Eme mumbiŋ, “Jesu Nazarete rune.”

⁸ Mupie Jesuzi šiŋuc jazawec: “No ŋazapac i, no hâcne ši. No basacnuŋopieŋko keci jaŋe behecjopaniŋ.”

⁹ Iŋuc eme dâŋ kecšiŋuc muwec i sananŋkewec: “Naremeŋ jaŋe soŋaŋ-jopape moc mi sifuckembiŋ.”

¹⁰ Eme Simonŋ Petro e sâqe bajuwec i becsahackonec unuckerâ taha bapa sâko kiŋaŋ motecticne hazecne fâreopec i qatarawec. Motec šaŋene Maiko.

¹¹ Iŋuc eme Jesuzi Petro šiŋuc âzâcnewec: “Sâqege becsahacko râec huoc. Me šâic guru Mamac-nanezi râe-narekac, i qikiŋnepemurâ mukic?”

¹² Eme soŋaŋ-jeŋiczi mume momori â Judanič

motecfâc-jeñic jaņe Jesu rorâ mene qarâ

¹³ Hanasire ficko barambiņ. Eme dameņ ira Judaniç taha bapa sâko-jeñic juwec, šaņene Kaifa, eki Hanasire otâ bawec.

¹⁴ Kaifa eki hâcne Judaniç šinuc jazawec: “Ñicguru nâņâc sipiricke-fârenšipeņte mocjahazi âkehoc-nâporâ hâmome tarazejec.”

Petorozi Jesu mic bawec

(Mat 26: 69-70” Mað 14: 66-68” Luë 22: 55-57)

¹⁵ Simoņ Petoro â motec âgo-ticne moc jahe Jesu barahapie šâhec rapic. Eme âgo-ticne e ine taha bapa sâkozi hone jujecte Jesu bâjâperâ ficmaņko mâmâc rašimbiņ.

¹⁶ Petoro eki ine sacrâpeo domawec. Eme âgo-ticnezi taha bapa sâkore ficko jujujecte hurâ sacmotâc soņaņ naru e âzâcneme Petoro motâc rocne me sacmaņko rašiwec.

¹⁷ Eme motâc soņaņ naru eki Petoro honerâ šinuc âzâcnewec: “Ñic kecocnirec motecfâc jaņere guruonec go moc ine hâcne.” Eme eki muwec, “No aricne.”

¹⁸ Eme kiņaņ motec â momori jaņe mâmâteņte šoc ruqerâ ruahuc domahapie Petoro e ņonden-jeñjicko rarâ inuc jaha šoc ruawec.

Taha bapa sâkozi Jesu mu indij ecnewec

(Mat 26: 59-66” Mað 14: 55-64” Luë 22: 66-71)

¹⁹ Eme taha bapa sâkozi Jesu motec rocjopawec â miti muwec, irec mu indij ecnewec.

²⁰ Ecne me Jesuzi dâņ kecšinuc bâtikiecnawec: “No dâņ hofao tâtâc muekopac, Judaniç miti-ficko â taha ufuņko tumaņnehapie dâņ jaza qazuc eekopac, soņsoņ mi muekopac.

21 Irec wemocte no wio-narekic? Dâŋ jazape manaenġopien jaŋe ejaretec muekopac sâc gaza-pie manac.”

22 Inġuc mume kiŋaŋ motec doma rambiŋ jaŋeraonec moczi Jesu maucnao qahuc muwec, “Go taha bapa sâko dâŋ inġucne wemocte âzâcnekomec?”

23 Eme Jesuzi dâŋ ŝinġuc muwec: “Dâŋ hehesic mukopacko fuŋne mutec manape, â tiŋne mukopacko wemocte nukomec?”

24 Eme Hanasizi mume Jesu mene qarâ taha bapa sâko Kaifa erao barambiŋ.

Petorozi harierâ mic bawec

(Mat 26: 71-75” Maò 14: 69-72” Luë 22: 58-62)

25 Eme Simonġ Petoro e ine ŝoc ruahuc domahame wiocnerâ mumbiŋ, “Motecfâc-ticne jaŋere guruonec go moc ine hâcne mecne?” Eme mic barâ muwec, “No aricne.”

26 Mume taha bapa sâkore kiŋaŋ motec moc, Petorozi hazecne qatarawec ere qomâ, eki ŝinġuc muwec: “Á go jufuo ehec mâmâc jupie honeġupac.”

27 Eme Petoro e mic bame izia qâqâczi dâŋewec.

Jesu kiarao barambiŋ

(Mat 27:2, 11-26” Maò 15: 1-15” Luë 23: 1-25)

28 Hae fureme Jesu Kaifare fickonec bawaharâ kiarao barambiŋ. Judanġic jaŋe ine wâwânâŋ erâ aakic hombaŋko bâtâcko junŝipiŋte kiare ficko mi fembiŋ.

29 Ehuc hae ŝoŋao domapie Pilatozi ŝaewaharâ wio-jarerâ muwec: “Ŋic keci wemo kiŋte bawarenġopien?”

³⁰ Eme jañe mumbiñ, “E sâqocne bapa mi juzac muzac gorao mi bawarenšapeñ.”

³¹ Mupie Pilatozi šiñuc jazawec: “Ñañacne sâcmutâc dâñ sâcko dâñticne mutaracneniñ me.” Eme Judaniç jañe mumbiñ, “Nâñe ñic hâmocko râreac-jopare aka henârekicne.”

³² Judaniç jañe iñuc epie Jesu e jahac hâmoc-ticnere dâñ muwec, hata i âke fuawec.

³³ Eme Pilatozi ficmañko ferâ Jesu hefârerâ muwec: “Go jâmbomac Judaniç jañere ñicwofuñ me?”

³⁴ Eme Jesuzi muwec, “Dâñ i gahacne mañte mukic me gâcnezi micgao râepie mukic?”

³⁵ Mume Pilatozi muwec, “Wiac no Judaniç me? Go gahacne ñicfâc â taha bapa micne jañe norao râecguñgopieñ. Go wemo emeñ?”

³⁶ Eme Jesuzi šiñuc muwec: “No mâreñ ñicwofuñ aricne, mâreñ ñicwofuñ juzapo muzac momorifâc-nane jañe šikazi ñezicnuhapie Judaniç jañe wemocko rocnunšapiñ. No ine mâreñ ñicwofuñ aricne.”

³⁷ Eme Pilatozi muwec: “Eme go ñicwofuñ fuñmoc?” Mume Jesuzi muwec, “Ine hâcne mukomec, no ñicwofuñ fuñmoc. No dâñ fâri qizecne mutaniñkepemurâ mâreñko waharâ fuapo. Eme moc e dâñ fâri qizecne jaunkeocmuzi dâñnane âgo ecneocmu.”

³⁸ Eme Pilatozi šiñuc muwec: “Dâñ fâri qizecne i wemo wiac moc?” Iñuc murâ šæeo mocwâc hurâ Judaniç šiñuc jazawec: “No ñic kecširec kiñ basakopac.

³⁹ Hata-ñeñic moc fokac. Ñoñe aakic hombañko

mupie no kâpâcwâru ñic moc akicke-ñareekopac. Eme ši manapie sâckeme Judanjic ñicwofuñ-ñenjik akickepe juñarezejec.”

⁴⁰ Eme jañe harierâ owackehuc mumbiñ: “Ar-icne, e mâcne, Baraba akicke-nârec.” Baraba e ine šikanjik.

19

Kia e Jesu hâmoocete mutaracnewec

¹ Eme Pilatozi mume momori jañe Jesu becsahac biriñneheczi qambiñ.

² Qarâ muc šârâneheczi hendiñ ba akic erâ qizecnao hecnepie huwec â ñaqi bâbâronj mâmâc hecnepie huwec.

³ Injuc erâ manfuñnao birickerâ domahuc fânânkecnehuc mumbiñ: “Ohec, Judanjic jañere ñicwofuñ.” Muhuc mainao qambiñ.

⁴ Eme Pilatozi Judanjic jañerao mocwâc hurâ muwec, “Honeniñ, no ñoñerao jowa wahakopac, no kiñticne basakopacte ñañac fuñne-ticne honeniñ.”

⁵ Eme Jesu e muchendiñ â ñaqi bâbâronj, wiac injucnehec waha domame Pilatozi jowaturâ muwec: “Ñic mac ši honeniñ.”

⁶ Eme taha bapa micne â ñicfâc-jeñic jañe honerâ dâñ qeñqeñnehec ehuc mumbiñ: “Mariponko feoc, feoc.” Mupie Pilatozi micjeñicko rorâ muwec: “No kiñticne basakopacte ñoñe ñañac rorâ mariponko qaniñ.”

⁷ Eme Judanjic jañe šiñuc mumbiñ: “E jahacnere no Anuture Ñokâ muekac, eme ñic injucne

jaje hâmoniņte sâcmutâc dânnâņec fokacte hâmozejec.”

⁸ Eme Pilato e dân i manarâ mâretec hâwickewec.

⁹ Eme Jesu mocwâc ficmaņko jowa ferâ in-diņkerâ muwec: “Go wenirec fuameņ?” Mume Jesuzi micnao mi rowec.

¹⁰ Iņuc eme Pilatozi šiņuc âzâcnewec: “Go dân mi nazakomec me? Noni mupe jucmu me mupe mariponko hâmocmu irec tâpiri râe-narekicne, i mi manakic me?”

¹¹ Eme Jesuzi šiņuc âzâcnewec: “Mâc muzac go nore dân wemocko munšaņ, nore dân mumure faicnec tâpiri qikiņne-ņarekicnere mukomec hâcne. Irec gorao râecnukac ñic ere kiņzi gore jâurukac.”

¹² Dân i manarâ Pilatozi Jesu akickezo mume Judaniç jaje owa ruruckerâ mumbiņ: “Go ñic e akickerâ Sisare ^a âgo mocwâc mi jucmu. Moc e jahacnere ñicwofuņ muhuc Sisa âkehockeocmu.”

¹³ Pilatozi dân i manarâ mume Jesu jowa wahapie dân mumutara ñeņe-ticnao waha ñewec. Ñeņe i qânâ šaeo râekicne, eme šae irec šaņe Judaniç jaje Gabata mujumbiņ.

¹⁴ Eme Judaniç jaje hae fureme aakic hombaņ ñeniņte teuņko rašimbiņ. Ehame qâqâtâc bembenkeha Pilato e ñeņe-ticnao ñehuc Judaniç šiņuc jazawec: “Honeniņ, ñicwofuņ-ņeņic ši.”

¹⁵ Mume jaje owa ruruckerâ mumbiņ: “E arictac eoc, e arictac eoc, mariponko feoc.” Eme Pilatozi muwec: “Hâc, eme ñicwofuņ-ņeņic mupe mariponko hâmoocce muņgopieņ me?” Mume taha bapa micne jaje dân šiņuc bâtikiecnembiņ:

“Nâje ñicwofuñ-nâjec moc aricne, Sisa mocjahazi junarekac.”

¹⁶ Eme Pilatozi mana urue-jarerâ Jesu mariponko hâmoocete qikiñne-jarewec.

Jesu mariponko qapie hâmowec

(Mat 27: 32-50” Maò 15: 21-37” Luë 23: 26-46)

¹⁷ Eme momori jañe Jesu rorâ maripon râcnepie hâpome mâreñ moc šâñene Utusiec, Judadânko Goligata, ira barambiñ.

¹⁸ Bararâ mariponko qambiñ. Erâ sâqocne bapa jajahec mâmâc jofarâ moc ñifec, moc ñifec, â Jesu šâšâñiñko, iñuc biric-jopambiñ.

¹⁹ Eme Pilatozi mume Jesure qizec botânko mariponko qâreñ kecšinguc râembiñ: “Jesu Nazarete haeonec Judanic jañere ñicwofuñ.”

²⁰ Jesu qambiñ mâreñ i hae bembenke fowecte Judanic bocjahazi ira rac warec ehuc qâreñ i wosembiñ. Eme qâreñ i Judadânko â Romadânko â Grikdânko râekicne.

²¹ Eme Judanic jañere taha bapa micne jañe Pilato šinguc âzâcnembiñ: “Go Judanic jañere ñicwofuñ iñuc mi qâreñkec E jahacne muwec, no Judanic jañere ñicwofuñ, iñuc qâreñkec.”

²² Eme Pilatozi muwec: “Qâreñkepac izia fooc.”

²³ Eme momori jañe Jesu mariponko qarâ ñaqi-ticne faine bâtâcnepie jahec â jahec eme ru sâc embiñ. Á ñaqi-ticne mañne hâfâ iñucne oorân fukicnere

²⁴ šinguc mumbiñ: “I bâtâcnepene sâqoreocmu, irec qâsâi qapene rune âke fuaoc.” Iñuc epie miti papiao dâñ moc kecšinguc qâreñkecicne i sanankekewec:

“Jaņe ņaņi-nane faine bātâc bambiņ,
â maņnere ine qâsâi qambiņ.”

²⁵ Momori jaņe iņuc hâcne embiņ. Jesure maripoņ fuņko ine šiņuc domambiņ: Neņgoc-ticne â neņgoc-ticnere qo, erâ Maria Kelopa ere ņonâņ, â Maria Madala haeonec.

²⁶ Eme Jesu e neņgoc-ticne â motec bufuņ-ticne domapire honec-jofarâ neņgoc-ticne šiņuc âzâcnewec: “Ņokac, motecge keci hâcne.”

²⁷ Iņuc murâ motec-ticne šiņuc âzâcnewec: “Neņgocge keci hâcne.” Eme dameņ ira Jesure neņgoc jowame motec jahacne ficko ferâ ņec juc ewec.

²⁸ Eme Jesu e gie-ticne tarame manarâ, miti papiao findaņdâņ moc fokac i denķeocte, šiņuc muwec: “No opâre enarekac.”

²⁹ Eme râqâc moc maņnao waiņ opâ šašacne ņewec, ira hâwec sâmbiņ âke uruckerâ qeņqeņko âke kindeņnerâ micnao iticnepie nâwec.

³⁰ Waiņ opâ nârâ wirahuc muwec: “Batarakopac.” Iņuc mume qizecne forârieme mâro-ticne wefuwec.

³¹ Eme Judaņic jaņe teuņko rašimbiņte šiņuc mumbiņ: “Tomâcko sabata hombaņ sâkoo ņic jopakicne jaņere qâņqâņ maripoņko mi domaze-jeç.” Iņuc murâ Pilato âzâcnepie momori jaņe ņic sieç-jeņic qazurâ qâņqâņ-jeņic bataraniņte Judaņic mana-jarewec.

³² Eme momori jaņe sâqocne bapa Jesuheç jofa-kicne moçte sieç qazurâ ra moçte sieç qazumbiņ.

³³ Iņuc erâ Jesurao fisirâ honembiņ: E biac hâmowec. Honerâ siecne mi qaçazu

34 momori moczi tambaraŋne sânduzi âke mârânkeme soc â opâ wahawec.

35 Wiac i šâŋe fâri-ticnezi honewec eki mutaniŋkeme jâmbomac ekac. E manakac, dâŋ i fârine. Irec ŋoŋe mana šakienšepieŋ.

36 Miti papiao findaŋdâŋ moc kecšiuŋuc fokac i sanaŋkeocte wiac i fuawec: “Ŋoŋe siecne mi qazunšepieŋ.”

37 Erâ wâc miti papiao dâŋ moc kecšiuŋuc fokac: “Jaŋe âke mârâŋkembieŋ erao šâŋe finšepieŋ.”

Jesu duckembieŋ

(Mat 27: 57-61 ” Maò 15: 42-47 ” Luë 23: 50-55)

38 Josefe Arimataia haeonec e Jesure motec juwec, erâ Judaniŋ jaŋere hâwickeme fufua mi juwec, soŋsoŋ juwec. Eki hâcne Pilatorao rarâ Jesu qâŋqâŋ-ticne bataraocte mufuacnewec. Eme Pilatozi manacneme ra batarawec.

39 Ehame Nikodemo, ŋafeo Jesu iqickewec, eki wokemaŋ âsu bian â kâŋâ bocjaha amecke rarâ Josefe bafickeme

40 Jesure qâŋqâŋ ruacnerâ qoruc qaŋqaŋzi râpâckepic. Judaniŋ jaŋe qâŋqâŋfâc-jeŋic iŋuc hâcne ejare jumbieŋ.

41 Eme Jesu qambieŋ mâreŋ irec ŋifecnao Jufu gie moc fowec, ira hawec moc šâŋeruŋte bieŋe gufukicne fowec. Ira ŋic moc mi ducjopakicne, furu fowec.

42 Eme Judaniŋ hombaŋte teuŋko rašimbieŋte bembenŋko ira hâcne Jesure qâŋqâŋ râepic.

20

Jesu qârerâ faharewec

(Mat 28: 1-10" Maò 16: 1-8" Luë 24: 1-12)

¹ Eme Sonda hae mi fure taniŋkeha Maria Madala haeoneczi šaŋeruŋko rawec. Ra fisirâ honewec: Qânâ e šaŋeruŋkonec bârâriekicne.

² Injuc honerâ gasacke rarâ Simonj Petroro â Jesu motec bufuŋ-ticne jasarâ muwec: "Wofuŋ qâŋqâŋ-ticne bawisembienj, eme wena râembienj i nâŋe kâuc baŋgopenenj."

³ Injuc mume Petroro â motec âgo-ticne jahe šaŋeruŋko rapic.

⁴ Hatao gagasac jaha rahuc âgonezi Petroro âte tariŋkerâ biac ra fisiwec.

⁵ Ra fisirâ hawecmaŋko mi rašihuc mâc okari-erâ fime rašime qoruc râpâ sawa fome honewec.

⁶ Ehame Petroro e šâhec fisirâ maŋnao raširâ qoruc râpâ honewec

⁷ â qizec-ticnere foŋ moc buc bazukicne fome honewec.

⁸ Injuc eme motec âgo-ticne bâbâni šaŋeruŋko fisiwec eki raširâ injuc jaha hone-fârerâ mana-pankewec.

⁹ Juwicnao ine jahe Jesuzi hâmockonec qârerâ fahareocte miti papiao findaŋdâŋ fowec i mi mana tarapic.

¹⁰ Eme jahe haeo mocwâc risie rapic.

Jesu e Maria Madala haeonec fuacnewec

(Maò 16: 9-11)

¹¹ Eme Maria eki šaŋeruŋ sahaçnao domahuc kiowec" kiohuc ra motâcko okarierâ šaŋeruŋko fime rašime

12 anelo jajahec ŋaqi qaŋqaŋhec Jesure qâŋqâŋ fofotacnao ŋepire honec-jofawec, moc e qizecne fowecko â moc e kikene fowecko ŋewec.

13 Eme jahe mupic: “Ŋokac, go wemocte kiokomec?” Eme eki muwec: “Wofuŋ-nanere qâŋqâŋ mocko bawisepie basakopac.”

14 Inuc murâ forisierâ Jesu jahacne honewec. Honerâ Jesu hawarine mi hone tarawec.

15 Eme Jesuzi wiocnerâ muwec: “Ŋokac, go wemocte kiokomec? Mo basakic?” Eme eki jufu runezi domakac muhuc ţiŋuc âzâcnewec: “Ŋicbomboŋ-nane, goki qâŋqâŋ mocko bara râemecko mutec manarâ ra rozepac.”

16 Eme Jesuzi muwec, “Maria.” Mume e forisierâ Judadânko “Rabuni” muwec, nâŋâcne dâŋko qaqaŋu.

17 Eme Jesuzi ţiŋuc âzâcnewec: “Bâua basanaŋ mi enarec. No Mamactao miŋecnea fepemu i; Go rarâ qomâfâc-nane ţiŋuc jazac: Nore Mamaczi ŋoŋere Mamac, â nore Anutuzi ŋoŋere Anutu, eme erao hâcne fepemu.”

18 Eme Maria Madala haeoneczi risie rarâ motecfâcne ţiŋuc jazawec: “No Wofuŋ honepe dâŋ inuc nazajec.”

*Motec jaŋe ficmaŋko tumaŋnehapie fua-jarewec
(Maò 16: 14-18” Luë 24: 36-49)*

19 Eme Sonda hae ŋafeme motec jaŋe Judaniç jaŋere hâwic-jopame tumaŋnerâ ficmotâc ki bafârerâ ŋembiŋ. Nehapie Jesu e ŋonden-jeŋicko fuarâ domahuc jazawec: “Wama ŋoŋerao fozejec.”

²⁰ Inuc murâ mejahecne â tambaraŋne jowatuwec. Eme motec jaŋe Wofuŋ honerâ bujeŋic biankewec.

²¹ Eme harierâ jazawec: “Wama ŋoŋerao fozejec. Mamaczi no sorecnuwec inuc jaha noni ŋoŋe sorec-ŋopakopac.”

²² Inuc murâ ficnec-joparâ muwec: “Tiri Mâro ro maŋ eniŋ,

²³ ŋoŋe ŋic sâqocne-jeŋic mutâ mirepie tâ mirejareocmu, mi mutâ mirepie fojareocmu.”

Tomare binaj

²⁴ Motec âgo-jeŋic moc šâŋene Toma, šâŋene moc Didimo, eki mocko juhame Jesuzi fuajarewec.

²⁵ Eme motec âgofâcne jaŋe biŋedâŋ ūiŋuc âzâcnemiŋ: “Nâŋe Wofuŋ honembeneŋ.” Inuc mupie muwec: “No nahac šâŋe jâmbâŋ-nanezi menao biriŋ râfu honerâ menanezi râfu bahonerâ tambaraŋne bâuarâ dâŋŋeŋic manape fârine eocmu.”

²⁶ Sonda mocwâc fuame motec jaŋe Tomahec mâmâc ficko qâzuckerâ motâc ki bafârerâ ŋemiŋ. ŋehapie Jesu e ŋonden-jeŋicko mocwâc fuarâ domahuc jazawec: “Wama ŋoŋerao fozejec.”

²⁷ Inuc murâ Toma âzâcnewec: “Go memotecgezi menane bahonec â mege sicnerâ tambaraŋ-naneo râec, erâ manjahec mocwâc mi ehuc manasiŋnuzemec.”

²⁸ Eme Tomazi muwec: “Go Wofuŋ-nane â Anutu-nane.”

²⁹ Mume Jesuzi šiņuc âzâcnewec: “Go honecnukomecte manasiņnukomec, mi honecnuhuc manasiņnueņgopieņ jaņere manape šerine ekac.”

³⁰ Mâsi gâcne bocjaha Jesuzi motecfâcne jaņere šâņe faio bawec, i papia šira mi qâreņkefârekicne.

³¹ Qâreņkekicne mac kecši ine šiņucte qâreņkekicne: Noņe wose manac erâ Jesu e Křisto, Anuture ņokâ, dâņ i mana šakienšepieņ, erâ e jahacne manasiņkehuc šâņe biņe-ticnere erâ juju sanañhec enšepieņ.

21

Motec gâcne riqicko juhapie Jesuzi fua-jarewec

¹ Juku motec jaņe Tiberia riqicko juhapie fua-jarewec. Kecšiņuc ehapie fua-jarewec:

² Jumbiņ ine Simoņ Petro, Toma, šâņene moc Didimo, Natanae e Galilaia mâreņko Kana hae ņewec irecnec, erâ Ŝebedaio ņokâ jahec-ticne â motecfâcne jaņeraonec jajahec mocwâc, ņic iņuczi jumbiņ.

³ Ehuc Simoņ Petrozi šiņuc jazawec: “No qowi rozo rakopac.” Mume mumbiņ, “Nâņe gohec mâmâc ranaņ.” Iņuc murâ wokeo ferâ rambiņ. Ra juhuc ņafe ira qowi mi rombiņ.

⁴ Eme riqicko juhapie hae fufurecte Jesuzi moņgeņko domawec. Domame Jesu hawarine mi hone tarambiņ.

⁵ Eme Jesuzi wio-jarerâ muwec, “Motec, qowi-ņeņic moc fokac me?” Eme jaņe mumbiņ: “Ar-icne.”

⁶ Mupie šinuc jazawec: “Woke fâreopcec wasaŋ behepie qowi jowaocmu.” Mume wasaŋ behepie qowi mâretcec jâmbâŋ jowa susuckeme fâre-bipiembij.

⁷ Eme Jesu motec bufuŋ-ticnezi Petoro šinuc âzâcnewec: “I Wofuŋ ine hâcne.” Mume Wofuŋ šaŋe manarâ Simon Petoro e kambaŋ sawa qajuwecte ŋaqi-ticne faine heme hume riqicko rucnewec.

⁸ Jaŋe moŋgeŋ heririŋ (100 meta irec sâc(c) jumbiŋte motec gâcne jaŋe woke foickehuc wasaŋ qowihec fâre fâre rambiŋ.

⁹ Eme moŋgeŋko ferâ tiŋko wiac šinuc honembij: Ťoc uucko opâ qowi â nânâ šegoc šahuc fowec.

¹⁰ Ra fisipie Jesuzi šinuc jazawec: “Qowi rombiŋ i tucne bareniŋ.”

¹¹ Mume Simon Petorozi wokeo ferâ wasaŋ tiŋko fâreme fewec. Maŋnao qowi kâcqene 153 fowec, eme sifu mi tâcnewec.

¹² Eme Jesuzi šinuc jazawec: “Ware furic nânâ nâniŋ.” Mume motec jaŋe wemocko šinuc wionšapiŋ: “Go mo?” Jaŋe Wofuŋ ine hâcne i mana-fârembiŋ.

¹³ Eme Jesuzi warerâ nânâ qowi bâtâc bahuc jarewec.

¹⁴ I Jesu e hâmockonec faharerâ motecfâcne fua-jareme jahec â moc ewec.

Jesuzi Petoro jahec â moc wiocnewec

¹⁵ Furic nânâ nâpie Jesuzi Simon Petoro šinuc muhuc wiocnewec: “Simon Johanere ŋokâ, âgofâcge jaŋe no maŋzi šâficnuenŋopieŋ, go

jowarurâ sâc moc šâficnuekic me?” Eme Petozi muwec, “Wofuŋ, no gore enarekac i manakomec.” Eme Jesuzi muwec: “Go lamafâc-mæe soŋaŋ-jopazemec.

¹⁶ Inuc murâ mocwâc wiocnewec: “Simon Johanere ŋokâ, go jâmbomac šâficnuekic?” Eme Petozi muwec: “Wofuŋ, no gore enarekac i manakomec.” Mume Jesuzi muwec: “Go lamafâc-nane jaŋere soŋaŋ juzemec.”

¹⁷ Inuc murâ harierâ wiocnewec: “Simon Johanere ŋokâ, go jâmbomac nore egarekac me?” Zâšâficte wiocneme jahec â moc eme Peto e bune sâqoreme muwec: “Wofuŋ, go wiac sasawa mana-fâreekic, no gore enarekac i wâc manakomec.” Mume Jesuzi muwec: “Go lamafâc-nane soŋaŋ-jopazemec.

¹⁸ Jâmbomac jâmbâŋ gazape: Go ŋicmotec juhuc becsahacge jomarâ hata ira me ira razo egareme rajumec. Izi juku ŋicqizec erâ mege bâfeŋnetec ŋic moczi becsahac joma-garerâ mi razo mucmu ira bacgu raocmu.”

¹⁹ Jesu e inuc muhuc Peto hâmoc-ticnere dâŋ suŋsuŋe âzâcnewec. Hâmoc-ticne fuŋmoczi Anutu mutenkeocte manasuhuc muwec hâcne. Dâŋ inuc murâ ţinuc âzâcnewec: “Ware bâjâpecnuc.”

²⁰ Eme Peto e fotikierâ Jesu motec bufuŋ-ticnezi râpefuŋnao rame honewec. Motec e aakic lama nâmbiŋko qizec-ticne Jesure amecko fohorerâ wiocnerâ muwec: “Wofuŋ, mozi doc bacguocmu?”

²¹ Eme motec hâcne šâhec rame Petozi hon-

erâ Jesu wiocnerâ muwec: “Wofuņ, motec kecšizi ine weniņuc eocmu?”

²² Wiocneme Jesuzi šiuņuc âzâcnewec: “E juhame no risiepemurâ manacnepe fokacko ere dâņ wemocte mukomec? Go mâc bâjâpecnuc.”

²³ Eme miti mamana gâcne jaņe šâhec Johanere šiuņuc musifuckembiņ: “Motec e mi hâmoocmu.” Jesu e ine ere šiuņuc mi muwec: “E mi hâmoocmu.” Dâņ šiuņuc sawa âzâcnewec: “E juhame no risiepemurâ manacnepe fokacko ere dâņ wemocte mukomec.”

²⁴ Motec eki hâcne wiac ši hone mana tarac eku mutaniņkehuc papia ši qâreņkewec. Eme nâņe ere manaeņgopeneņ, dâņticne fârine jâmbâņ.

²⁵ Eme Jesuzi wiac gâcne gâcne ewec bawec, i wemocko papiao qâreņke-fârezo. I papiao fofâreme muzac, no manape ņiczi wowose tarane mi ezac.

xcv

Kâte Bible
The Holy Bible in the Kâte language of Papua New Guinea
Buk Baibel long tokples Kate long Niugini

copyright © 1978 The Bible Society of Papua New Guinea

Language: Kâte (Kate)

Translation by: Bible Society of Papua New Guinea

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-02-09

PDF generated using Haiola and XeLaTeX on 25 Aug 2024 from source files dated 31 Aug 2023

76869875-8293-5126-8b67-c576c145ac3c